

Naqqiut

Siunnersuut 16. august 2023-meersoq taarserpaa

(Inatsisit teknikkitaanni naqqiisoqarpoq kiisalu nalunaarutiginnittarneq, nunaminertanik atugassiinernik nutarterisarneq aammalu nalunaarsuiffinnik nutarterisarneq pillugit aalajangersakkat itisilerneqarlutik)

Uunga siunnersuut: Pilersaarusionerq aamma nunaminertat atornerqartarnerat pillugit Inatsisartut inatsisaata allangortinneqarnissaa pillugu Inatsisartut inatsisaat

Siunnersuummut nassuiaatit

Nassuiaatit nalinginnaasut

1. Aallaqqaasiut

Inuiaqatigiit suli ineriartorput, inuiaqatigiittullu periarfissavut allangortut inoqarfitsinnut taamaasillunilu pilersaarusionermit atortutsinnut piumasaqaatinik nutaanik ingerlaavartunik pilersitsillutik - pilersaarusionermullu inatsit illuutitut pilersaarusionermut tunngavissatut inatsimmut ilaasumut piumasaqarfiulerluni. Inuussutissarsiortuniit, politikeriniit, pisortani oqartussaniit innuttaasuniillu ineriartorneq pilersaarusiortarnermut inatsimmik qaangiissanngitsoq kissaatigineqarpoq, ullutsinnullu sanilliullugu kommunini siunissami inerisaanissamut inuussutissarsiutinillu ineriartortitsinissamut pilersaarusionermut inatsisip nutarterneqarnissaa nukittunerulernissaalu aammalu atortutut atoruminarnerulernissaat kissaatigineqarlutik.

Inatsimmik allannguinermit nuna tamakkerlugu immikkoortunut pilersaarusionerit kommuninilu pilersaarutip akornanni naapinnermit nunatta piujuartitsinermik tunngaveqarluni, tamanut isiginnittumik illuutitigullu ataqatigiissumik pilersaarusiortigineqarnissaata qulakkeernissaa siunertarinqarpoq. Inatsimmik allanngineq nuna tamakkerlugu pilersaarusionermut kommuninilu pilersaarusionermut nunaminertanillu aqutsinermit tunngavissanik erseqqissaaffiuvoq eqaannerulersitsillunilu.

Inatsisissatut siunnersuut kommunini ingerlatsinermit periuserineqartoq pioreersoq atorlugu malittarisassanik paasiuminarsaaneq erseqqissaanerillu atorlugit siunissami illuutitigut pilersaarusiortarnerup nunaminertanillu aqutsinerup digitalinngortinnissaannik tapersuiffiuvoq. Inatsisissatut siunnersuut Nunaminertanut Nalunaarsuiffiup nalunaarsuiffinnut marlungorlugu avinnissaanik periarfissiivoq, taamaaliornikkut nunaminertat pillugit paasissutissat nunaminertanut nalunaarsuiffimmi ataatsimi

katersorneqarsinnaassammata aammalu inunnut suliffeqarfinnulluunniit nunaminertanut atuinissamut pisinnaatitaaffillit pillugit paasissutissat allanut nalunaarsuiffimmi ataatsimi katersorneqarsinnaalissammata.

Kalaallit Nunaanni nunamik pigisaqaqqusaannginnermut tunngavigineqartoq aalajangiusimaneqarpoq. Nunaminertat tamarmik tamanit pigineqarput. Kinaagaluarnersoq nunaminertamik atugassinneqarsinnaavoq, kisiannili taanna nunaminertamik nammineeirluni piginnittuusinnaanngilaq, tuniseqqusaanngilaq taarsigassarsiannorluguluunniit tunniusseqqusaanngilaq. Illuutitik sanaartukkanillu nunaminertaniittunik piginnittoqarsinnaavoq, tunisisoqarsinnaavoq taarsigassarsiannorluguluunniit tunniussisoqarsinnaavoq, kisianni nunaminertaq nammineq pigisaq tunineqartussaannngilaq. Taanna illuummik piginnittumut nutaamut kommunalbestyrelsimit nuunneqassaaq.

Inatsisissatut siunnersuummittaqq teknologikkut periarfissat nutaat iluanni kommunit tapersorsorniarneqarput, matumani ineriartortitsinissanut pilersaarutit sanaartornernillu pisuusaartinneranni illuutitigut pilersaarusiormi tamat oqartussaaqataanerisigut annerusumik ilaatittarnissaasa peqataatittarnissaasalu qulakkeernissaa anguniarlugu.

Ukiuni aggersuni pilersaarusiorneq pillugu inatsisip arlaleriarluni allannortinneqarnissaanik pisariaqartitsinissaq ilimagineqartariaqarpoq. Pilersaarusiormut inatsit ilaatigut inatsisinut arlalinnut kalluuffeqarpoq, taamaammallu inatsisip inuiaqatigiit ineriartornerannut nalimmassartuarneqarnissaa pisariaqarpoq, taamaaliornikkullu inatsit Naalakkersuisut inuiaqatigiinni siuariartornissamik ineriartornissamillu kissaataanik ikorfartuissaaq. Ukiuni makkunani ilaatigut aatsitassarsiormut takornariartitsinermullu immikkoortumi avataanit aningaasaliisussanik pilerilersitsiniarluni annertuumik suliniuteqartoqarpoq. Matumani pilersaarusiormut inatsisip nutarterinissaani ilaatigut inuiaqatigiit pingaarnertut nunaminertanik aqutsinermik pisariaqartitsinerannik, aningaasaliisartullu assigiinngitsut immikkoortuni inuussutissarsiortut ingerlatsisullu assigiinngitsut nunaminertani aalajangersimasuni soqutigisaqarfiini aningasaliinerit isumannaatsuunerannik pisariaqartitsinerit takuneqarsinnaapput.

2. Siunnersuummi immikkoortut pingaarnertit

Pilersaarusiortarnermut inatsisip nutarterinissaa tunngaviusumik siunnersuummi siunertaavoq, taamaalilluni tassani aningaasaqarnerup nunallu pilersaarusiormerisa akornanni pingaarnertut ataqatigiissaarinissamut anguniakkanut inatsimmi aalajangersakkanut naapertuunniassammata - tassunga ilanngullugu illuani Namminersorlutik Oqartussat immikkoortunut pilersaarusiorneq aammalu illuani kommuninut pilersaarutip akornanni pitsaanerusumik ataqatigiinniassammata, kiisalu Aningaasanut inatsimmi kommunillu missingersuutaanni nunanut pilersaarusiormerit aningaasaqarnikkullu pilersaarusiormerit tamarmiusut akornanni ataqatigiinnerusoqarniassamat tulluarsarneqarlutillu.

Aaqqissuusseqqinnerup malitsigisaanik ukiuni kingulliunerusuni kalaallit pilersaarusiormut atortuanni arlalinnik allanngortoqarsimavoq. Ullormi 1. januar 2009 kommunit ataatsimoortinneqalerneranni kommunit annerusumik periarfissaqalerput, tamannalu aqputigalugu suliassat pilersaarutinullu piginnaasaqarfiit pingaarutillit arlallit Namminersorlutik Oqartussaniit tigusimallugit. Pilersaarusiormut inatsit taamatut sulinermi kommunini ineriartortoqarnissaanut periusissatigut siunissamilu illoqarfimmut pilersaarusiornissamut atortuulersimavoq.

Taamaasilluni kommuninut pilersaarusiormerup inissisimanagera allanngorsimavoq. Siusinnerusukkut pilersaarummi taamaallaat illuutitigut pilersaarusiortarnerit sanaartugassanullu suliassat kisimik pineqartarsimapput. Ullumikkut tamanna inoqarfiit ataasiakkaat ineriartorfiunissaannut ineriartornernut anguniagassanullu periusissanut qitiutitsilluni tamanut isiginnerujussuuvooq siumullu isiginninnerulluni. Aalajangersakkani illuutitigut pilersaarusiortarnerit anguniarneqarput, aallaaviusussarli tassaavoq kommunit ataatsimut ineriartortitsiffiunissaat. Tassalu immikkoortut aqutsisoqarfiillu tamarmik pineqarput.

Pilersaarusiortarnermut inatsimmi kommunit namminneerlutik kommunimi suliassaqarfimmut tamarmut illuutitigut pilersaarusiortarnerup isumagisaqalersinnaanissaannut tunngavigineqartussat aalajangersarneqarput, matumani Namminersorlutik Oqartussat soqutigisaat eqqarsaatigalugit. Inatsisini taamaasilluni Namminersorlutik Oqartussat oqartussaaffiisa pilersaarusiortut, kommunalbestyrelsit pisortanilu immikkoortunut pilersaarusiortuullutik oqartussat allat akornanni suleqatigiinnissamut tunngavissat malittarisassioqarput.

Pingaarnertigut piujuartitsilluni ineriartortitsinissaq

Pingaarnertigut piujuartitsilluni ineriartortitsinissaq pilersaarusiormut inatsimmi anguniagassanut aalajangersakkanut ilanngunneqassaaq. Immikkoortunut pilersaarutini, periusissatut pilersaarutini, kommunini pilersaarutini aamma nunap immikkoortuinut pilersaarutini qaffasissutsini tamani piujuartitsilluni ineriartornerup piviusunngortinniarnissaanut piumasaqaatinik periarfissanillu ersarinnerusunik pilersitsinissaq qitiutinneqarpoq.

Naalagaaffiit Peqatigiit Nunarsuaq Tamakkerlugu Anguniagaat aallaavigalugit illuutinut pilersaarusiorneq nunarsuup sinneranut naleqqunnerutillerlugu sulisoqalerpoq, tassungalu peqatigitillugu kommunit illuutinut pilersaarusiormeranni piujuartitsisumik ineriartornermik suliaqarneq immikkut sammineqalerpoq. Innuttaasut peqataatittarnissaannut tunngatillugu inuit avatangiisitigullu eqqarsaatigisassat akornanni agguaqatigiissitsinerit ersarinnerusut pilersinnissaat aammalu tamat oqartussaqaataanerisa ataatsimut nukittorsarnissaat inatsisissatut siunnersuummi anguniagaavoq.

Immikkoortunut pilersaarusiorneq

Namminersorlutik Oqartussat kommunillu pilersaarusiortarnerisa akornanni ataqatigiittoqarnissaa qulakkeerniarlugu pilersaarusiortarnermut inatsit nutaaq illuutinut ataqatigiissumik pilersaarusiortarnissaa (nuna tamakkerlugu kommuninilu immikkoortunut

pilersaarusiortarneq) pillugu nalunaarummik atortuulersitsinissamut tunngavissamik imaqassaaq, takuuk pilersaarusiortnermut inatsimmi § 7.

2014-imi illuutitut aningaasaqarnikkullu pilersaarusiortnerit akornanni pitsaanerusumik ataqatigiittoqarnissaa qulakkeerniarlugu nuna tamakkerlugu immikkoortunut pilersaarutitik suliaqartoqassasoq Naalakkersuisut aalajangerpaat. Tamatuma kingorna immikkoortunut pilersaarusiortarnernut immersuiffissamik ineriartortitsisoqarsimavoq, taannalu immikkoortumi killiffiit, anguniarneqartut iliuuserineqartussallu immikkut nassuiaaffigineqarput (soorlu immikkoortumi sanaartorneqartut, pilersaarutigineqartut suliarineqartullu nunarsuarmi anguniagassanut sutigit naapertuunnersut). Taamaakkaluartoq suliaqartoqassasoq inatsiseqartitsinissaq pisariaqarpoq, tamannalu pilersaarusiortnermut inatsisip inatsisitigit allanngortinneratigit periarfissaalerpoq.

Ataatsimut isigissagaanni immikkoortunut pilersaarusiortnerup aqqissuussamik atorneratigit Naalakkersuisut makkununga pitsaanerusunik sakkussaqaalissapput:

- 1) Illuutitigit aningaasaqarnikkullu pilersaarusiortnerup ataqatigiissaarnissaanut
- 2) Immikkoortut akornanni pilersaarusiortnerit ataqatigiissaarnissaanut, tamannalu aqutigalugu imminuinaq eqqarsaatigineq pinngitsoortillugu
- 3) Nuna tamakkerlugu pilersaarusiortnerup kommunit pilersaarusiortnerannut ataqatigiissilernissaanut
- 4) Tamat oqartussaaqataaneranni aammalu suliffeqarfinnut periusissatigit isiginninnermi innuttaasunut iluaqutaasussamik pilersaarusiortnermi takujuminarsaanerunerup anguniarnissaa
- 5) Naalagaaffiit Peqatigiit nunarsuaq tamakkerlugu anguniagaasa piviusunngortinnissaat

Illuutitut pilersaarusiortarneq annertunertigit kommuninut tunniunneqarsimavoq. Taamaakkaluartoq Namminersorlutik Oqartussat nuna tamakkerlugu immikkoortunut pilersaarutaasa kommuninullu pilersaarutaasa akornanni periarfissap ersarinnerulernissaa pisariaqartorujussuavoq.

Nunami sumiiffinnut tunngasut

Nunami sumiiffinnut tunngasut illuutitut pilersaarusiortnermut atortutut eqqunneqarnissaat siunnersuutigineqarpoq, tassani nuna tamakkerlugu pilersaarusiortarneq kommunillu pilersaarutaanni pingaarnertut ilutsit piviusuusaartinneqarsinnaassammata ingerlateqqinneqarlutillu. Nunami sumiiffinnut tunngasut inoqarfiit arlaliullutik sumiiffiipput ersarissumik nunap tungaatigit inissisimaffeqartut aamma/imaluunniit atorsinnaasumik ataatsimoorfeqartut. Kommuninut killeqarfiit kisiisa aallaavigalugit eqqarsassagaanni nunami sumiiffinnut tunngasut tamanut isiginninnerulluni sanaartortarnissanut pilersaarusiortarnissanullu periarfissiipput.

Nunami sumiiffinnut tunngasut kommunip pilersaarutaani ataatsimut pingaarnertut ilutsip suliarinissaanut ilassutitut taamaallaat isigineqassapput, tassanilu Kalaallit Nunaanni sumiiffitsigut ungasinnerujussuit eqqarsaatigineqarput. Kommunini pilersaarutit nuna tamakkerlugu immikkoortunut pilersaarusiortnermut ataqatigiinnissaannut nunami sumiiffinnut tunngasut sakkussaapput pingaarutillit.

Nunami sumiiffinnut tunngasut nuna tamakkerlugu immikkoortunut pilersaarutitut kommunillu pingaarnertut ilusaannut eqqunnersigut nunatsinni tamanut isiginninnerusumik, piffissamut sivilisnerusumut ataqatigiissumillu illuutitut pilersaarusiortnermut tunngatillugu innuttaasunut, inuussutissarsiortunut allanullu qulakkeerinnittoqassaaq.

Siunissami ineriartornissamut pilersaarutit

Siunissamut ineriartornissamut pilersaarusiortnerit piffissaagallartillugu peqqissaarnissamut oqariartuutitut isigineqassapput, tassami nunaminertat siunissami siunertamut aalajangersimasumut inniminnerneqartarmata. Ullutsinnili oqartussanut innuttaasunullu kommunini pilersaarutit iluanni siunissami ineriartornissamut pilersaarutit aammalu pilersaarusiortnerit oqartussat allat peqatigalugit aningaasalersorneqartut ataqatigiissaarneqartullu akornanni immikkoortitsiniarnerup ajornartuunera ajornartorsiutaavoq.

Siunissamut ineriartortitsinissamut pilersaarutit atorlugit pilersaarusiortneq ingerlanneqartoq piviusorsiortuunersoq, aningaasalersorneqarsinnaanersoq siunissamilu qaninnermi suliarineqartussatut naatsorsuussaananersoq imaluunniit pilersaarusiortneq siunissami siunertamut aalajangersimasumut nunaminertanik immikkoortitsinissamut oqariartuutaanersoq kommuninut pilersaarummi innuttaasunut aningaasaliisussanullu ersarinnerulissaaq (siunissamut ineriartornissamut pilersaarusiortneq).

Kommunimi pilersaarutit nunap immikkoortuinit pilersaarutitut aalajangersakkanut tunngavissanut pingaarnertut agguataarneri

Kommunini illuutitut pilersaarusiortnerup immikkut inoqarfinnut minnerusunut pilersaarutitut aammalu inoqarfinnut killeqarfiit iluanni nunap immikkoortuinit pilersaarutit kiisalu nunaannami nunaminertanut atorneqanngitsunut pilersaarutit atorlugit ulloq manna tikillugu agguataarisarneq 2010-mi inatsisigineqartoq atorlugu pilersaarusiortnermut periaatsimik ataatsimik taarserneqarpoq, tassani kommunimi pilersaarummi aalajangersakkat pingaarnertut immikkuualuttortallillu, nunaannarmut aalajangersakkat aammalu nunaminertamik atugassiisarnermut aalajangersakkat katersuunneqarsimallutik.

Soorlu siunertarineqartumi nassuiarneqareersoq illuutitut pilersaarusiortarneq inuiaqatigiinni aningaasaliinissamut tunngavissat piffissamut sivilisuumut atuuttut aalajaatsullu ilaasa qulakkeernissaannut pingaaruteqartorujussuuvoq. Pilersaarusiortnermut qaffasissutsimut atortoq arlaatigut tamatumunnga akerliusoq isumaqarnarpoq. Tunngavissat nunallu immikkoortuinit pilersaarummi aalajangersakkat ataatsimoortinneqalernerat illuutitini aalaakkaasuni aningaasaliinissanut tunngavissat katitigaanerannut tamarmut tunngatillugu nalorninernik paatsuunganernillu pilersitsipput.

Inatsisissatut siunnersuut aqutugalugu pilersaarusiornermut atortumi 2-mi agguataarisarneq eqquteqqinneqassaaq - tassalu tunngavissanut aalajangersakkat pingaernerit nunallu immikkoortuinut pilersaarummut aalajangersakkat pingaernerit. Tunngavissanut aalajangersakkat pingaernerit qulakkeerneqassapput, taakkunanilu assersuutigalugu nuna tamakkerlugu immikkoortunut pilersaarutit nunap immikkoortuini aalajangersakkanut najukkami aalajangerneqartunut tunngatillugu atuisarnissamut tunngavissat erseqqissarneqarput.

Tunngavissanut aalajangersakkani aamma nunap immikkoortuinut pilersaarutitut aalajangersakkani agguataarineq illuutitut aalaakkaasunut aningaasaliisarnermi isumannaannerusumik ingerlatsinermik pilersitsissasoq kiisalu kommunini suleriaatsini pioreersuni erseqqissaassasoq naatsorsuutigineqarpoq.

Suliniutigineqartoq qitiusumik allattoqarfimmi sulinermik oqilisaataassasoq aamma naatsorsuutigineqarpoq, sulinermilu siunissami taamaallaat kommunit pilersaarutaasa ukiut sisamakkaarlugit kukkunerisiorneranni tunngavissanut aalajangersakkanut tunngatillugu kommunit pilersaarutaasa tusarniaassutiginerat kisimi isummersorfigineqartassalluni imaluunniit kommuninut pilersaarummut ilassut immikkut ittoq pissarsiaralugu.

Inoqarfiup angissusianut tunngatillugu pilersaarutitut nunaminertanillu atugassiisarnermut piumasagaatit assigiinngisitaartut

Pilersaarusiornermut inatsit allanngortussaq aqutugalugu inoqarfinni mikinerusuni nunaminertanik aqutsinermut akerliusumik inoqarfinni anginerusuni nunaminertanik aqutsinerup assigiinnginnerusumik ingerlannerata nunap tungaatigut assigiinnerulernissaa kiisami anguneqartussaavoq - taamaasilluni nunaminertamik atugassiisarneq nunatsinni inoqarfinni illuutitut tunngatillugu pissusiviusunut annerusumik takutitsiffiussammat. Inoqarfinni mikinerusuni nunaminertanik aqutsineq inoqarfinnut anginerusunut sanilliullugu sakkukinnerussaaq, taakkunanimi nunaminertat tatisimaneqannginnerupput.

Tamanna sulinermi inoqarfinni anginerusuni nalunaarsuisarnissamut annerusumik piumasagaartoqarneranik kinguneqassaaq. Aallaaviatigut nunap immikkoortuanut pilersaarummi sanaartorfissatut tunniunneqartoq aqutugalugu nunaminertanut qinnuteqartoqartarpoq. Inoqarfinni mikinerusuni nalunaarsuisarnissamut piumasagaatit ikinnerulissapput. Illumut nunaminertamik atugassiisarneq aallaavigalugu aallaaviatigut qimmeqarsinnaaneq, qamuterallannut inissiiiveqarsinnaaneq allallu periarfissaapput. Nunaminertanut qinnuteqaatit sanaartorfiusussat aqutigalugit pineq ajorput, kisiannili nunap ilaanut pilersaarummut tunngavissat aqutigalugit pisarlutik.

Inatsimmik allanngineq manna malittarisassanik pisariinnerulersitsinissamut aammalu nunaminertanik suleqatigiinnerulluni aqutsisoqarnissaanut ilapittuutaassasoq naatsorsuutigineqarpoq. Tamannalu aqutigalugu nunaminertanik aqutsineq pingaarnersooq pisariaqarfiatigut qulakkeerlugu.

Kommunini nunallu immikkoortuini pilersaarutit atortarnissaannut immikkoortut erseqqissarnerat

Pilersaarusiornermut inatsit pioreersoq nunatsinni inoqarfinnut kiisalu nunaannarmut atuisinnaanermut immikkoortunik nassuiarneqartunik illuutitut pilersaarussianut atuuttunik arlalinnik imaqarpoq.

Inatsimmik allanngineq aqputigalugu ilaatigut illuutitut pilersaarusiortarnerup avatangiisinut eqqarsaatigisassamut allanullu tunngatillugu illuutitut pilersaarusiortarnerup erseqqinnerulernissaa anguniarlugu Kommunalbestyrelsip atuinissamut immikkoortut nutaat ullutsinni atuuttut pillugit erseqqissaanissaa nutaamik periarfissinneqassaaq. Umiarsualiveqarfiup inissiaqarfiullu assigiinngitsuunerat matumani naammaginnittuuneq atorlugu aallaavigineqanngilaq, kisiannili inuit inuunerannik atugarissaarnissaanillu aallaaveqarluni, tassanilu avatangiiseq sammisassat malittarisassiornissaannut, isumannaatsuunissamut, angallannermi piffimmi aalajangersimasumi pisartumut tunngavilersuutaalluni.

Inatsimmik allannginermi atuinissamut immikkoortup allamut tunniunnissaanut kommunit ungasissutsimut/killeqarfinnut tunngasunut minnerpaaffiliinissamik arlalinnik pilersitsinissaat periarfissinneqarpoq, assersuutigalugu inuussutissarsiorfimmu tunngatillugu najugaqarfissanut/unnuiffissanut/inissianut nunaminertanik atugassiisarnertit tunniuttarnissaannut tunngavissanut tunngatillugu.

Inatsimmik allanngineq illuutitut pilersaarusiornermut nunaminertanillu aqutsinermut pissusissamisoornerusumut tapersersuissaaq, tassanilu illoqarfinnut pilersaarutitut ingerlanneqartunut inuk piujuartitsisumillu eqqarsaatigisassat pingaartinneqarput.

Suliniutissanut pilersaarutit killeqartinnerat

2015-imi suunngitsumik inatsimmi allanngineq suliniutissanut qinnuteqarnissamut periarfissiivoq, tassani aningaaliisut nunaminertanut makitsisarnermut taarsiullugu suliniummut aalajangersimasumut nunaminertamik immikkoortitsisoqartarnissaanut qularnaarneqassammata.

Tamatuma kingorna kommunit suliniutitut qinnuteqaatitut tunngatillugu aalajangersakkanik ersarinnerusunik ujartuisimapput. Inatsimmik allanngineq aqputigalugu suliniutissanut qinnuteqaatitut tunngavigineqartut kommunit kissaateqarnerat malillugu erseqqissarneqarsimapput. Assersuutigalugu sumiiffiit nunaminertamik imaluunniit atuinissamik pisinnaatitaaffeqarfioreersut pillugit suliniutissanut qinnuteqaatinik tunniussisinnaaneq periarfissaajunnaassaaq. Kiisalu pilersaarusiortarnermut inatsit takkuttussaaq aqputigalugu illoqarfimmi sumiiffiit sanaartorfioqqusaanngitsut immikkut toqqakkat suliniutissat qinnuteqaatigineranni atorneqartannginnissaannut kommunit periarfissaqartarnissaat kommuninit kissaatigineqarpoq.

Aalajangersakkat nutaat suliniutissanut qinnuteqaatit atortarnissaannut killeqartitsisut suliniutissanut qinnuteqaatit aqputigalugit iluanaarniapiluit aningaasaliisartullu pisinnaasallit ikilisarnersigut inoqarfitta tamanut isiginnittumik oqimaaqatigiissumillu ineriartorfiunissaannik pilersitsissasut naatsorsuutaavoq. Peqatigitillugu sumiiffiit immikkut

sanaartorfioqqusaanngitsut atulernerisigut kommunit illoqarfinnut pilersaarutiminnik aalajangiussisimaannarnissaat periarfissaqarnerulissaaq.

Taaguutit oqariartaatsillu erseqqissaaffiginerat

Pilersaarusiortnermut inatsisip matuma allanngortinneratigut inatsisitigut taaguutit oqariartaatsillu erseqqissarneqarput, taamaasilluni kommunit aqutsineranni, immikkoortunut oqartussaallutik pilersaarusiortuni aammalu innuttaasuni aningaasaliisartunilu illuutitut pilersaarusiortarnermi pingaarnertut paasisassat ersarissuussammata paasineqarsinnaallutillu.

Inatsisissatut siunnersuut aqutugalugu kommunini nunaminertanik aqutsinerup, taamaasillunilu Pilersaarusiortarnermut Inatsit naapertorlugu nunaminertat assigiimmik aqutsiffiunissaat assigiimmik paasineqarnissaat qularnaarneqassaaq. Tamanna aamma nunaminertanut suliaasaqarfiup digitalinngorlugu paasissutissanut tunngaviunissaa tunngaviatigut pisariaqartinneqarpoq.

Assigiimmik nunaminertanik atugassiisarnermut sulinissaq - Digitaliseeriineq tunngaviusumillu paasissutissat

Tunngaviusumik paasissutissanut programip ataani Illuutitut Aalaakkaasunut ilassutitut programimi pingaaruteqarluni ilaasutut kommunini nunaminertanik aqutsinermut sulisarneq qulaajaaffigineqassaaq erseqqissaaffigineqarlunilu, illuutillu aalaakkaasut nalunaarsortarnissaannut ataatsimut piumasaqaatinik pilersitsisoqarluni.

Illuutitut Aalaakkaasunut suliaasaqarfimmut tamarmut digitaliseeriinissami takkuttussami nunatsinni kommunit tallimaasut akimorlugit nunaminertanik aqutseriaatsit assigiissut erseqqissullu pisariaqartinneqarput. Illuutini Aalaakkaasuni programip ilaata suliarinissaanut inatsisitigut tunngavigineqartussat taamaasillutik Pilersaarusiortarnermut Inatsimmi tunngaviusunut aalajangersakkat ilaannut qilersorsimapput, tamakkulu nalunaarutinngortussami immikkuualuttortalerlugit itisilerneqassapput, taakkunanilu ilaatigut nunaminertanut atuisinnaatitaasunullu nalunaarsuiffinngortussanut nunaminertanik aqutsinerit nalunaartarnerillu pineqarput.

Tamanna isumaqarpoq qinnuteqartarnermut suleriaaserineqartoq ataatsimuulerlunilu assigiilissasoq, nunaminertamik atugassiisarneq pillugu qinnuteqarneq nunatsinni sumi pisimanersoq apeqqutaanani. Sanaartorfiusussamiit sanaartornermut nutaamut sulinermi piffissaliussat ataatsimoorussat nutaat eqqunneqassapput, tamakkulu aqutugalugit nunaminertanut atugassiinerit naammassineqanngitsut utertissinnaanerat ajornannginnerulissaaq. Tamakku kingunerisaannik piffissaliunneqartut suleriaatsillu digitaliseererneqarsinnaapput ingerlaannartumillu atorneqarsinnaalissallutik, taamaasilluni qinnuteqartarnermut suleriaaseq ataatsimoorussaallissamat assigiilerlunilu, nunaminertamik atugassiinissaq pillugu qinnuteqarneq nunatsinni sumi pisimanersoq apeqqutaanani.

Illuutitut aalaakkaasunut tunngaviusumik paasissutissat siunissami digitaliseerernissaannut ataatsimut nassuiarlukkamillu aqutsinikkut sulinermut atorsinnaanissaat piumasaqaataavoq. Tamakku inatsisissatut siunnersuummi matumani tunngavissatut inatsit aqutugalugu

qulakkeerneqassapput, nunaminertanillu atugassiisarneq pillugu nalunaarutinngortussami aalajangersakkanik ersarinnerusunik malitseqartillugit.

Nunaminertanik inniminniinerit

Nunaminertanik atugassiisarnerup tunniunnissaa sioqqullugu piffissaq akunnermiliuttoq atorneqalissasoq siunnersuutigineqarpoq. Piffissaliussami akunnermiliuttumi tassani “nunaminertamik inniminniineq” qaammatini 6-ini atuuttusaaq sivitsuiffigineqarsinnaanngitsorlu tunniunneqassaaq. Kommuniq sanaartorfissanik suli sanaartorfiunngitsunik tamanut saqqummiussisarnera piffissamik atuinarsinnaavoq, nunaminertanillu qinnuteqartussanut aningaasaqarnikkut oqimaatsorsioertitsisinnaalluni. Sanaartorfissanut suli sanaartorfiunngitsunut qinnuteqartutut nunaminertamik tunineqarnissamat qularnaarinnittoqarsinnaanngilaq, matumani qinnuteqartut arlaqarsinnaammata, kommunilu tamatumunnga makitsisariaqartussaammat. Qaammatini 6-ini nunaminertamik inniminniisimanermi sanaartorfissat sularisassallu uppersarluarnissaannut pisariaqartitsineq nuunneqartussaavoq, taamaalineranilu allanut aningaasaqarnikkut annaasassat makitaanermut ilaasimangitsut peerneqartussaapput.

3. Pisortanut aningaasaqarnikkut allaffissornikkullu sunniutissat

Kommuninut aningaasaqarnikkut allaffissornikkullu sunniutissat

Kommuninut tunngatillugu inatsisissatut siunnersuut pilersaarusiortnermut sakkussat nutaat atornissaannut periarfissamik kinguneqartussaavoq, tamakkulu kommunini illuutinut ataatsimut pilersaarusiortnerup pitsaassusaata kivinnissaanut iluaqutaassapput. Tamatumani kommuninut pilersaarusiortnerisa sunik kinguneqarsinnaanerit innuttaasunut paasiuminarnerulissaaq.

Naalackersuisoqarfiup isumaa malillugu kommunini pilersaarusiortnermi allaffissornikkut nammatassat allannguuteqarnerinik inatsisissatut siunnersuut annertuunik kinguneqassanngilaq. Kommuniq pilersaarutaata sularineqarnerinut isumalluutit pisariaqartinneqartut, ullumikkut kommuninut pilersaarutaat aamma immikkoortortanut pilersaarusiortnermi sularineqarnerinut aningaasaliissutaasartut assigiinnassagaat naatsorsuutigineqarpoq. Tassalu kommunini pilersaarusiortnerit suli kommunini ataatsimoortumik tapiissutit aqutigalugit aningaasalersorneqartarnissaat naatsorsuutigineqarpoq, tassani suliassat tunngaviummik pisortani suliassanut tamarmiusunut ilaasutut isigineqarmata.

Namminersorlutik Oqartussanut aningaasatigut allaffissornikkullu sunniutissat

Kommunit pilersaarutissanut siunnersuutaasa saqqummiunnerannut atatillugu pilersaarusiortnaatsit 2-t eqqunneqarnerat qitiusumik allattoqarfiup Namminersorlutillu Oqartussat allaffissornikkut oqimaalliornerinut pisariinnerulersitseqataassapput. Massakkut inatsiseqartitsineq atorlugu paasiuminaappoq Kommuninut pilersaarummut Tapiuissaaq immikkoortunut soqutigisaqarnermut pingaaruteqarnani nunap immikkoortuanut

pilersaarutaanersoq imaluunniit pingaarnertigut aalajangersakkani allanngortitsissanersoq, taamaasillunilu immikkoortunut pilersaarusiornermut immikkoortunullu inatsiseqartitsinermut sunniuteqassanersoq.

Tungavissanut aalajangersakkat pingaarnertit pilersaarusiortarnermut immikkoortillugit eqqunnerisigut nuna tamakkerlugu immikkoortunut oqartussat maanna kommunini pilersaarutigineqartut immikkoortunut pilersaarutiminnut naapertuunnersut immikkut isiginiarsinnaalerpaat, tamannalu aqqutigalugu immikkoortunut pilersaarusiornermi pilersaarutitut pingaarnertit isummernissaq pisariaarutsillugu. Taamaasilluni qitiusumik allattoqarfimmi allaffissornikkut oqimaatsorsiorneq sulianillu suliarinnittarneq oqinnerulissapput.

Nunatta Karsianut aningaasatigut kingunerisassat eqqarsaatigalugit nuna tamakkerlugu pilersaarusiornermut tungasortaa, tassalu Namminersorlutik Oqartussat oqartussaasoqarfiisa pilersaarusiortarnerat assigiinngitsut eqqarsaatigalugit, maannamut sulisut amerlassusissaanni kontumi 20.01.01-imi kiisalu nuna tamakkerlugu pilersaarusiornermut kontumit ("2021-mut Inatsisartut aningaasanut inatsisaanni kontu 20.01.11 "Nuna tamakkerlugu pilersaarusiorneq") aningaasalersorneqarnissaat naatsorsuutigineqarpoq.

Naammagittaalliuutinik Naalackersuisut suliarinnittarnerat ullumikkut Aningaasaqarnermut Naligiissitaanermullu Naalackersuisoqarfimmi konto pingaarneq aqqutigalugu (kontu 20.01.01) aningaasalersorneqarpoq. Aningaasaqarnermut Naligiissitaanermullu Naalackersuisoqarfiup naammagittaalliuutinut suliat suliarisarnernut ukiut tamaasa ukiumut suliffiusussat 0,5-it atortarai missingerneqarpoq. Suliassap taassuma naammassinissaanut ukiut tamaasa 250.000 kr.-t aningaasartuutigineqartartut missingerneqarpoq.

Nunaminertanut nalunaarsuiffimmik nutaamik aamma Nunaminertanik atuinermit pinnaatitaaffilerneqarnikkut nalunaarsuiffimmik pilersitsineq Nuna tamakkerlugu digitalinngorsaanermi ukkassilluni siunniussinerata atulersinneranut tungaviusumik paasissutissanik aqqissuussineq aqqutigalugu aningaasalersorneqassaaq ("2021-mut Aningaasanut inatsimmi" kontu 40.98.02 "Nuna tamakkerlugu digitaliseeriinissamut periusissiap Piviusunngortinnissaa")

Inatsisissatut siunnersuut Naalackersuisuni naammagittaalliornermut suliat amerlassusiisa arlaatigut amerlinissaannut kinguneqassanngitsoq ilimagineqarpoq.

4. Inuussutissarsiortunut aningaasaqarnikkut allaffissornikkullu sunniutissat

Inatsisissatut siunnersuut inuussutissarsiortunut ajortumik kinguneqartussatut nalilerneqanngilaq. Inatsisissatut siunnersuummi nunaminertanik atugassiisarnernut

tunngatillugu annerusumik digitalinngorsaanissaq ammasuunissarlu anguniarneqarpoq, tamannalu qinnuteqaateqarsinnaasut akornanni pitsaasumik unammillertoqarsinnaaneranut tapersersuissasoq naatsorsuutaavoq.

Tunngavissanut aalajangersakkat nunallu immikkoortuinut pilersaarutit atorlugit pilersaaruserioriaatsimut marlunnut avitamut uterneq ineriartornermut sumiiffiit ilaanni assigiinngitsuni pisinnaasumut sorlermut tunngavissanut ersarissunut aalajangersimasunullu qulakkeerinnissinnaavoq, tamannalu aningaasaliinissamut piumasuseqalernissamut pitsaasumik sunniuteqassasoq naatsorsuutaavoq.

5. Avatangiisinut, pinngortitamut inuillu peqqissusaannut sunniutissat

Inatsisissatut siunnersuut avatangiisinut pinngortitamullu ajortumik sunniuteqartussatut ilimagineqanngilaq. Inatsisissatut siunnersuut imminermini pinngortitamut imaluunniit avatangiisinut tunngasunik nunaminertanik atuinnermut killilersuinernik imaqqanngilaq. Nuna tamakkerlugu pilersaaruseriorneq taamatullu kommunimi pilersaaruseriorneq killilersuinernik assigiinngitsunik imaqqartussaagaluartut, taakkua Namminersorlutik Oqartussat immikkoortunut inatsiseqartitsineranni tunngaviligaapput.

Assersuutigalugu immikkut mingutsitsisumik suliaqarnissamut aalajangersakkat, avatangiisit illersorneqarnissaat pillugu inatsimmi inatsisitigut tunngavissinneqarput. Inatsisissatulli siunnersuummi sumiiffiit ilaasa pinngortitap nunalluunniit tungaatigut immikkut naleqqartutut isigineqartut toqqartarnissaat periarfissinneqarpoq, matumani pilersaaruseriorarnikkut eqqarsaatigisassat tunngavigalugit kommunalbestyrelsip sanaartorfigeqqusinnaanngimmagit. Pilersaaruseriornikkulli maannakkut inatsimmi killilersuinernut naleqqiullugu tamanna allaanerunngilaq. Taamaasilluni matumani pilersaaruseriornermut nunaminertanillu aqutsinnermut sunniutaasussat pineqarput.

Kommunit pilersaaruseriornermini inuit peqqissutsikkut inassisimanerannut isummertarnissaat inatsisissatut siunnersuummi annerusumik piomasarineqarpoq. Assersuussisoqassappat kommunit inissiaqarfinniit inuussutissarsiorfinnut ungasissutsinut minnerpaaffiliinissat aalajangersarneqarnerannut atatillugu peqqissutsikkut eqqarsaatigisassanut annerusumik isummersortarnissaat inatsisissatut siunnersuummi anguniagaavoq.

6. Innuttaasunut sunniutissat

Siunnersuummi pineqartumi inoqarfitta nunaannaallu ammasup ineriartortitsiffiunissaat pillugit tamat oqaloqatigiinneranni innuttaasut peqataatittuarnissaat, ilaatigullu assersuutigalugu suliniutissanut qinnuteqaatit piviusuusaartinnissaannut 3D-lu atorlugu pilersaaruseriornermi annertuunik sanaartornissat piviusuusaartinnissaannut periarfissat nutaat aqqutigalugit qulakkeerneqassasoq naatsorsuutigineqarpoq.

Inuit qanillugit sapinngisamik aalajangiisarnissamut tunngavik naapertorlugu aalajangiinerit amerlanerit innuttaasumut tunngassutillit siunissami innuttaasumut qaninnerulluni aalajangiiffiusalernissaat inatsisissatut siunnersuutip kingunerissavaa.

Immikkoortunut pilersaarusiortnermut tunngasut eqquteqqinnerini piffimmi pissutsit aalajangersimasut pillugit aalajangiinerit innuttaasumut qaninnerulersinneqarput.

Pilersaarusiortarnermi aalajangiisarnerni qaffasissutsini tamani; Nuna tamakkerlugu pilersaarusiortarneq, kommunimi pilersaarusiortarneq, immikkoortunut pilersaarusiortarneq aamma nunaminertanik atugassiisarneq, anguniarneqarpoq aalajangiisarnernit innuttaasut inuillu pilersaarusiortnermik attugaasut oqaloqatigalugit aalajangiunneqartassasut.

Qullersaqarluni pilersaarusiortarnerup annertusinera aamma pilersaarusiortnerup kingunerisaanik siunissamut ungasinnerusumut ukkassilluni siunniussinerit, malittarisassianik sinaakkutissanillu kommunip pilersaarutaani saqqummiunneqartunik kinguneqarnissaanik innuttaasut naatsorsuuteqarnissaanut pitsaanerusemik innuttaasunut periarfissiissasoq naatsorsuutigineqarpoq.

7. Sunniutaasussat pingaarnerit allat

Inatsisissatut siunnersuummi illuutinut tamanut isiginnilluni ataqatigiisumillu pilersaarusiortarnissaq tapersorsorneqarpoq, tassani nuna tamakkerlugu immikkoortunut pilersaarusiortnerit kommuninilu pilersaarusiortnerit akornanni assigiittoqalissalluni, teknogillu nutaap atorluarneratigut (soorlu 3D) illuutinut pilersaarusiortarneq aammalu ineriartornermut pilersaarutit innuttaasunut illuutitigullu avatangiisitsinnut sunniutaasussat pillugit annerusemik ammaneq ammasuunissarlu pilersinneqarlutik.

8. Pisortanik, suleqatigiiffinnik allanillu tusarniaaneq

Pilersaarusiortarneq aamma nunaminertat atorleqartarnerat pillugit Inatsisartut inatsisaata allanngortinnissaa pillugu Inatsisartut Inatsisissaannut siunnersuut ulloq 15.06.2023, 14.07.2023-mut tusarniaanermut akissutit nassiunneqarnissaannut killilerlugu, nassiunneqarpoq. Siunnersuut tusarniaanermut iserfissamut aammattaq tamanut saqqummiunneqarpoq.

Tusarniaanermut allagaq inatsisissamullu siunnersuut nassuiaatit ilanngullugit oqartussamut kattuffinnillu makkununga nassiunneqarpoq:

Naalakkersuisut Siulittaasuata Naalakkersuisoqarfia, Nunanut Allanut, Inuusutissarsiornermut Niuernermullu Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut, Suliffeqarnermullu Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Aatsitassanut Inatsisillu Atuutsinneqarnerannut Naalakkersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik, Ineqarnermut Attaveqaasersuutinullu Naalakkersuisoqarfik, Meeqqanut, Inuusuttunut Ilaqutariinnillu Naalakkersuisoqarfik, Peqqissutsimut Naalakkersuisoqarfik, Avannaata Kommunia, Kommune Qeqertalik, Qeqqata Kommunia,

Kommuneqarfik Sermersooq, Kommune Kujalleq, KANUNUPE, Trafik-, Bygge- og Boligstyrelsen, Søfartsstyrelsen, Forsvarsministeriets Ejendomsstyrelse, Geodatastyrelsen, Styrelsen for Dataforsyning og Infrastruktur, GrønlandsBANKEN, BankNordik, KNI A/S, Sulisitsisut, Bygnings- og brandmyndigheden, Bolig- og Ejendomsafdelingen, Inissiaatileqatigiiffik INI A/S, Mittarfeqarfiit, Kalaallit Airports, TUSASS A/S, Royal Arctic Line A/S, Aatsitassanut Aqutsisoqarfik, Nunatta Katersugaasivia Allagaateqarfialu, Sprængstofmyndigheden, Nunanelerinermik Siunnersorteqarfik, Nukissiorfiit, ASIAQ, Energiafdelingen, Visit Greenland, Permagreen Grønland A/S, EMJ-ATCON Greenland A/S, MT Højgaard Grønland ApS, Masanti, Inuplan, KJ Greenland.

Tusarniaanermut akissutinut ilanngusseq 2 innersuussutigineqarpoq.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Siunertanut aalajangersakkami inatsimmi siunertat nalinginnaasut taaneqarput, taakkualu sumiiffinni sanaartorfiusuni nunaannarmilu nunaminertanik atuinerup illuutitut ataatsimut pilersaarusiornissaat malittarisassiornissaallu aqutugalugit qulakkeerniarneqarput. Allangortitsinerup kingunerisaanik pilersaarusiornermut inatsimmi pingaarnertigut piujuartitsinermik tunngaveqarluni ineriartortoqarnissaanut tunngatillugu siunertanut aalajangersagaasimasumut erseqqissaaneruvoq.

Oqariartaaseq piujuartitsinermik tunngaveqarluni ineriartortitsineq Naalagaaffiit Peqatigiit nunarsuaq tamakkerlugu anguniagaannut tunngaviit iluaniittutut paasineqassaaq, taannalu Naalagaaffiit Peqatigiit Ataatsimeersuarneranni ullormi 25. september 2015 akuersissutigineqarpoq nunarsuarmi nunanit tamanit taparserneqarluni. Nunarsuarmi anguniagassat imaluunniit Agenda 2030 anguniagassanik 17-inik, anguniagassat ilaannik 169-inik aamma uuttuutissanik 244-nik imaqarpoq, taakkualu piujuartitsinermik tunngaveqarluni sulinerup tunngaviliissapput. Naalagaaffiit Peqatigiit Nunarsuarmi Anguniagassai ataatsimut innersuuffiullutik tunngaviupput, taakkualu oqaatsit tungaatigut piujuartitsinermik tunngaveqarluni ineriartornerup nunat, oqartussat, suliassat suliffeqarfiillu akimorlugit sularinissaannut sulinissami pingaaruteqarlutik sakkussaapput.

Nunarsuarmi anguniagassat aamma Agenda 2030-p § 1-imi immikkut taaneqannginneranut nunarsuarmi anguniagassat imaluunniit Agenda 2030 ulluliinikkut killeqartinneqarnerat kisimi pissutaatinneqarpoq. § 1-imi oqariartaaseq piujuartitsinermik tunngaveqarluni ineriartortitsineq taamaasilluni nunarsuarmi anguniagassanut tassanilu 2030-p kingorna taartissaanut immikkut tikkuussipput.

Pilersaarusiortarnermut inatsit inatsisitut pingaarnertut nunatsinni illuutitut pilersaarusiortarnermut tamarmut malittarisassiorfiuvoq, taamaammallu nunarsuarmi anguniagassat pingaarnertigullu piujuartitsinermik tunngaveqarluni ineriartortitsinerit piviusunngortinnissaannut tunngatillugu pingaarutilimmik inissisimalluni.

§ 1-imi siunertanut aalajangersakkap allangortinneqarneratigut Pilersaarusiortarnermut inatsit nunatsinni illuutitut ataatsimut pilersaarusiortarnermut inatsisitut tunngavissatut toqqaannartumik nunarsuarmi anguniagassanut immikkut ittunut arlalinnut, taakkunungalu ilaasumik anguniagassat ilaannut piviusunngortitsinissami tapersersuissapput.

Anguniagassanut aalajangersakkat nutaat inatsisini atuutsinneqareersuni pingaarnertut anguniagassanut assigiilluinnangajapput, taamaattorli aalajangersakkami erseqqissarneqarpoq piujuartitsinermik tunngaveqarluni ineriartortitsineq illuutitut pilersaarusiornermut siunertanut ilaasoq, tassanilu ersarissumik piumasarineqarpoq nunaminertamik atuinissat pillugit aalajangiinerit piujuartitsinermik tunngaveqarluni ineriartortitsinissaq aammalu inunnut pitsaasumik atugassaqtitsinissaq eqqarsaatigalugit aalajangiiffigineqartassat, soorlu tamanna Agenda 2030-mi nassuiarneqartoq.

Nr. 2-mut

§ 2-mi aalajangersakkat Pilersaarusiortarnermut inatsisip inatsisitigut atuuffinut killeqartitsivoq, tassani imm. 1-imi takuneqarsinnaalluni Illersornissaqarfik pilersaarusiortarnerit nunaminertanillu atugassiisarnerit pillugit Pilersaarusiortarnermut inatsisip aalajangersagaani ilanngunneqarsimanngitsoq.

Aalajangersakkap immikkoortumik nutaamik ilanngussinissamik siunnersuuteqarnerup malitsigisaanik Aatsitassanut Inatsit Pilersaarusiortarneq pillugu inatsit malillugu pilersaarusiortarnermi nunaminertanillu akuersissuteqarnermi aatsitassanut sammisassat taamaaqataanik ilaatinneqanngillat. Tamakku Aatsitassanut Inatsit naapertorlugu tunniunneqarput.

Nr. 3-mut (§ 5)

Aalajangersagaq nutaajuvoq. Nuna tamakkerlugu immikkoortunut pilersaarutit pingaarnertigut ataqatigiissaartarnissaannut Naalackersuisut qulakkeerinnissasut aalajangersakkami aalajangersarneqarpoq. Tamanna soorunami nuna tamakkerlugu pilersaarusiortarnermi sulinermut ilaasussaassaaq, pilersaarusiortarnermimi nuna tamakkerlugu immikkoortunut pilersaarutit kommunini pilersaarutitut ataqatigiissaarnissaannut tamanna akisussaaffigineqareerpoq. Immikkoortunut pilersaarusiortarnerneq tamarmiusoq ataatsimut isigalugu nunatta ineriartorfiunissaanut pilersaarutaassaaq ataasiusoq. Aalajangersagaq nunarsuaq tamakkerlugu anguniagassat piujuartitsinermillu tunngaveqarluni ineriartortitsinissat pitsaanerumik piviusunngortitsiffiunissaannut ilaasutut paasineqassaaq. Ataqatigiissaarineq pingaarnertigut immikkoortunut pilersaarusiortarnernut ilitersuutit suliarinerannik, suliassaqarfiit assigiinngitsut aqutugalugit isumasioqatigiissitsinerit ingerlattarnissaannik, immersuiffissat ineriartortitsiffiunerannik kiisalu NunaGIS-imut allanullu immikkoortunut pilersaarutit ingerlateqqittarnissaannut piunarsaqaatinik imaqaassaaq.

Nunarsuarmi anguniagassat 2021-mi saqqummersinneqartut misissuiffiginerannut malitseqartitsinermi Naalackersuisunut inassutigineqarpoq nunarsuarmi anguniagassat piujuartitsisumik tunngaveqarluni ineriartortitsiffiunissaanut sulinerit nuna tamakkerlugu immikkoortunut pilersaarutitut ilaalersinneqassasut. Taamaaliornikkut piujuartitsinermik tunngaveqarluni ineriartortitsinerup immikkoortut ataasiakkaat periusissatigut ineriartortitsinerinut ilaalernissaa qulakkeerneqassaaq.

Piujuartitsinermik tunngaveqarluni ineriartortitsinerup annerusumik qitiutinneqarnera pilersaarusiortarnermut, anguniagassat aalajangiunnerannut, paasissutissanut tunngavissat pilersinnerannut aammalu Namminersorlutik Oqartussat immikkoortunut oqartussaasut pilersaarusiortarnerannut aamma pilersaarusiortarnermut inatsisip annerusumik ataqatigiissaarnissaanut atorluarnissaanullu annerusumik pilersaarutit isiginiarneqarnerannik soorunami kinguneqartussaavoq.

Nr. 4-mut (§ 5)

Aalajangersakkami geodatami - NunaGIS-imi - nuna tamakkerlugu isaasarfimmi illuutitut pilersaarusiortarnerup ingerlateqqittarnissaa pineqarpoq. Immikkoortunut pilersaarusiortarnermut aalajangersakkat nutaat eqqunnerisa kingunerisaannik

siusinnerusukkut aalajangersakkami nuna tamakkerlugu immikkoortunut pilersaarutit ingerlateqqittarnissaannut piumasaqaatip ilaalernissaa aqutigalugu annertusineqarpoq.

Paasissutissanik nalunaarsukkanik nalunaarutiginninnissaq nutarterinissarlu suliassaqarfimmut oqartussat imaluunniit kommunalbestyrelsit ataasiakkaat suliassaraat. Paasissutissat nalunaarsukkat aalajangersimasumik suussusillit, allaniit suliqaarnermi nalunaarutiginnissaat nutarternissaallu unammillernartortaqaarnerusinnaasarput. Taakkua assersuutigalugu tassaasinnaapput nannut sisii, aarrit nunamiittarfii, puilasut kissartut, kuuit eqaluit najortagaat assigisaallu pillugit paasissutissat. Suliassaqarfimmut oqartussat imaluunniit kommunalbestyrelsit ataasiakkaat paasissutissanik nalunaarutiginninnerminni nutarterinerminnilu tamatuma sillimaffiginissaa nammineerlutik aalajangertussaavaat.

Nr. 5-imut (§ 5)

Kommunit Pilersaarusiorteranni Namminersorlutik Oqartussat Soqutigisaannut Takussutissiap suliarisarnera nassuttarneralu taamaallaat qarasaasiakku pisassasoq aalajangersakkami erseqqissarneqarpoq.

Nr. 6-imut (§ 5)

Aalajangersagaq nutaajuvoq, tassanilu illuutitut immikkoortunut pilersaarutit qanoq isillugu ilanngussinnaaneranut Naalackersuisut aalajangersakkanik sukumiinerusunik aalajangersaasinnaanerat tunngavissinneqarpoq.

Nuna tamakkerlugu immikkoortunut pilersaarutit ataqatigiissaarniarlugit sulinermut ilaasumik immikkoortunut pilersaarusiortarneq pillugu nalunaarut aqutigalugu malittarisassanut tunngavissamik suliqaartoqassaaq. Aalajangersakkatigut Namminersorlutik Oqartussani illuutitut immikkoortunut suliassaqarfiit assigiinngitsut aqutigalugit pilersaarusiorterit aqqissuussamik tunngavissinnissaannut tunngavissaq pisariaqartinneqartoq qulakkeerneqarpoq, soorlu immikkoortunut pilersaarutit imassaannut piumasaqaatit kiisalu tamakku NunaGIS-imut ingerlateqqittarnissaannut piumasaqaatit.

Nr. 7-imut (§ 8)

Aalajangersakkamik allannguissami siunnersuutigineqartumi aalajangersarneqarpoq Naalackersuisut nuna tamakkerlugu pilersaarusiortermik sulinerat Inatsisartunut qinersereernerup kingorna nassuiaat aqutigalugu ukiup ataatsip iluani saqqummiunneqartassasoq.

Nuna tamakkerlugu pilersaarutitut nassuiaammi nunatsinni siunissami illuutitut atorsinnaasumillu ineriartortoqarnissaanut anguniagassat pillugit Naalackersuisut politikikkut oqariartuutaat katersorneqarput. Nuna tamakkerlugu pilersaarutitut nassuiaammi aamma nunap immikkoortuini unammilligassat illuutitut pilersaarusiortermi kommunit suliarisaat takutinneqarput.

Allat assigalugit Nuna tamakkerlugu Pilersaarutitut Nassuiaat ineriartornermut malinnaasariaqarpoq. Illuutitut pilersaarusiortarnerup 2010-p kingorna kommunini Kommunalbestyrelsinut tunniunneqarsimammat Inatsimmik allannguinermi tikkuarneqarpoq, taamaamallu nuna tamakkerlugu pilersaarusiortermut nassuiaat Inatsisartunut saqqummiunneqartinnagu kommuninut tusarniutigeqqaarsimanissaa pisiaqarpoq.

Inatsisissatut siunnersuut aqputigalugu nuna tamakkerlugu pilersaarusiornermut nassuiaatip illuutitut pilersaarusiornermi atortarnissaa erseqqissarneqarpoq. Nuna tamakkerlugu pilersaarusiornermut nassuiaatit inatsisissatut siunnersuut aqputigalugu illuutitut pilersaarusiornermi tamakkiisunik ataqatigiissitsinernillu pilersitsinissanut sakkussaalissapput pingaarutillit, tassani Naalakkersuisut nutaat unammilligassanut qanoq isiginninersut, naalakkersuisuuffissamilu takkuttussami suut pingaartinneqassanersut pillugit kommuninut ingerlatitseqqinnissaminut periarfissaqalissallutik.

Nr. 8-mut

Ilanngunneqartussatut siunnersuutigineqartumi kommuninut pilersaarut ukiunik 12-nik ilaqassasoq erseqqissarneqarpoq.

Nr. 9-mut

§ 14, imm. 2, nr. 2-mut ilanngussassatut siunnersuutigineqartumi kommunit ataasiutillugit pingaarnertut iluserineqartup saniatigut aammalu kommunini inoqarfinnut ataasiakkaanut tunngatillugu aammalu nunaannaap immikkoortittarnissaanut tunngatillugu, nunap immikkoortuinut immikkut pingaarnertut ilulissamik suliaqartoqartassasoq erseqqissarneqarpoq.

Nunatta nunap immikkoortuisigut ataqatigiinnerusumik paasineqartarnissaa aammalu kommunit nunalu tamakkerlugu immikkoortunut pilersaarusiortarnerisa akornanni pitsaanerusumik ataqatigiissaarnissaasa qulakkeernissaannut nunat immikkoortuinut pilersaarusiornermut sakkussaq nutaaq ilisaritinneqarpoq.

Nunap immikkoortui siusinnerusukku inoqarfiusimasut assigalugit illuutitut pilersaarusiornersut killeqartitsisut isigineqarsinnaapput, taakkualu illuutit imminnut ungasissusaat tunngavigiinnarlugu ataatsimoorussaqqarput. Inoqarfiusunut ungasissutimmikkut assigiinngissinnaasunut tunngatillugu nunap immikkoortui kinaassusersiornani ungasissutsinut tunngasut aallaavigalugit nassuiaarneqarput. Kommuninut Kommune Qeqertalik, Qeqqata Kommunian aamma Kommune Kujalleq, tunngatillugu kommunit ataatsimut nunatai nunallu immikkoortuisa killeqarfeqartinneri kommunip nunaminertaanut assigeeqqissaarput. Nunap immikkoortui Grønlands Administrative Geografiske Inddelinger – GAGI-mi paasissutissatut tunngaviusutut ilanngunneqarput. inatsimmut nassuiaatitut ilanngussaq 3 takuuk.

Nunap immikkoortui kommunini imminnut ungasinnerujussuit suliaqarnissaannut pilersaarusiornermut sakkussatut pingaaruteqqarput. Kommuninut nunap immikkoortuinik arlalinnik pigisaqartunut anguniarneqartoq tassaavoq nunap immikkoortui kommunimi aalajangersimasumi pisut (nunap immikkoortua ataaseq) kommunimi allami pisunut (nunap immikkoortua alla) imaanngitsoq pingaaruteqqassasut.

Nunap immikkoortui illuutitut pilersaarusiornermut pilersaarutitut sakkussatuinnaq atugaapput, tamakkulu kommunini aamma Namminersorlutik Oqartussani ineriartortitsinermut pilersaarutit assigiinngitsut ataqatigiissaarnissaanni annerusumik isiginnilluni ataqatigiissumillu isiginninnissamut iluaqutaajumaartut ilimagineqarpoq. Kommuninut pilersaarummi tungavissatut aalajangersakkani nuna tamakkerlugu

immikkoortunut pilersaarutit aamma kommunit ineriartortitsinissamut pilersaarutaasa akornanni ataqatigiissaarinissaq qulakkeerneqassaaq.

§ 14, imm. 2, nr. 3-mut ilanngussinermi pingaarnertigut tunngavissanut aalajangersakkat atorlugit aalajangersaanissamut immikkoortumi sumiiffinnut ineriartortitsiffiusussanut pilersaarutitik toqqasoqartassasoq erseqqissarneqarpoq.

Nr. 10-mut

Inatsisissatut siunnersuummut atatillugu siusinnerusukkat aalajangersakkanut pingaarnernut tunngatillugu nunap immikkoortuinut aalajangersakkanut pingaarnernut allannortinnissaat sunniutaasussanik allannortitsisoqassasoq allannuinissami siunnersuutigineqartumi pineqarpoq.

Nr. 11-mut

Allannuutissatut siunnersuut aalajangersakkami § 5, imm. 3-mut innersuussinermut atuuttumut, inatsisissatut siunnersuummi § 1, nr. 3-ip malitsigisaanik § 5, imm. 4-nngortumut sunniuteqartitsilluni naqqiineruvoq.

Nr. 12-imut

§ 14 a-mi aalajangersakkat nutaajupput, sumiiffinnullu ineriartortitsinissamut pilersaarutitut tunngallutik. Allannuutissatut siunnersuutigineqartoq aqutigalugu siunissami siunertamut aalajangersimasumut nunaminertanik sumiiffinni ineriartortitsinissamut pilersaarutitut inniminniisarnissamut kommunalbestyrelsi periarfissinneqarpoq. Sumiiffinni ineriartortitsinissamut pilersaarut pilersaarusiornissamut oqariartuutaavoq kommunalbestyrelsip ukiut tulluittut ataatsip sisamat iluanni piviusunngortinneqanngitsutut takusinnaanngisaa.

Sumiiffinni ineriartortitsinissamut pilersaarut atorlugit siunertamut aalajangersimasumut sumiiffinnik toqqaasarnissamut kommunalbestyrelsit periarfissinneqassapput, tassalu pisarneq malillugu pingaarnertigut tunngavissanut aalajangersakkanik, kingusinnerusukkullu nunap immikkoortuinut aalajangersakkanik pingaarnernik suliaqanngikkaluarluni. Sumiiffinni ineriartortitsinissamut pilersaarusiortarneq siunissami kissaataasussanut oqariartuutaavoq, assersuutigalugu aningaasaliinissat allalluunniit inissinnissaat tikillugu sumiiffiup ilaa siunertamut immikkoortinneqartarluni. Kommunalbestyrelsip pilersaarusiortoqarnissaanut kissaatiminnik nalunaaruteqarsinnaanissaminnut "sakkussamik" nutaamik pigisaqalissapput, tamannalu aqutigalugu "nunaminertat parnaarlugit".

Innuttaasut kommunalbestyrelsip siunissamut sunik kissaateqarnera paasissallugu innuttaasunut ersarissuunissaa innuttaasunut tamallu oqartussaaqataanerannut pitsaasumik sunniuteqartussatut nalilerneqarpoq. Pilersaarutitik nutaanik suliaqartoqarsimappat suliaassanik sumiiffimmi ineriartortitsinissamut pilersaarummi nassuiarneqareersimagaluartunik suliaqarnissamut periarfissaq tammartussaasoq peqatigitillugu ersarissuusariaqaralarpoq.

Sumiiffinnut sumiiffinni ineriartortitsinissamut pilersaarummut tunniunneqarsimasunut tunngatillugu suliniutissanut qinnuteqaatinut qinnuteqarsinnaaneq allatut nunaminertanik atuinissamut periarfissaatillugu ineriartortitsisartunut periarfissaalissaaq.

Nr. 13-imut (§ 16)

Imm. 1-imi imm. 2-milu ilanngunneqartut sunniutaasussanut iluarsiiernerupput, tassanilu kommunimi nunaminertamut tamarmut ataatsimut pingaarnertut ilutsip saniatigut kommunip iluani nunanut immikkut pingaarnertut ilusissamik Kommunalbestyrelsip suliaqartarnissaa erseqqissarneqarpoq. Pissusiviusut malissagaanni Avannaata Kommunua aamma Kommuneqarfik Sermersooq allannguutissatut siunnersuummik atorneqarput, takuuk nr. 9-mut nassuiaatit. Kommunip ataatsimut nunaminertaata agguataarnera atorlugu nunat immikkoortuisa agguataariffiginissaat Kommuneqarfik Sermersuumi piviusunngortinneqareersimavoq.

Nr. 14-imut

Allannguinnissami siunnersuutigineqartumi aalajangersakkat marluk nutaat ilanngunneqassapput, taakkulu Kommunalbestyrelsip atuisarnerinut assigiinngitsunut atuisarnernut erseqqissaataapput.

Imm. 3-mi sumiiffinnut assigiinngitsunut imm. 2-mi tunngavissat iluanni agguataarinernut pingaarnernut imaluunniit immikkoortunut allanut Kommunalbestyrelsip aalajangersaasinnaanera erseqqissarneqarpoq. Tamanna periutsimik kommunini atorneqareersumik inatsisitigut aalajangersaaneruvoq.

Sumiiffiit inuussutissarsiornermut umiarsualiveqarnermullu tunniunneqarsimasut sumiiffiillu inissiaqarnermut pisiniarfeqarnermullu tunniunneqarsimasut akornanni nalinginnaasumik ungasissusiliinissamut minnerpaaffiliinissat ilaannik Kommunalbestyrelsip aalajangersaasinnaanera imm. 4-mi erseqqissarneqarpoq. Aalajangersagaq inunnut inoqarfiutitsinniittunut illuutitut pitsaanerusunik tunngavissiiinissamut qulakkeerinneqataavoq.

Nr. 15-imut

Allannguinnissami siunnersuutigineqartumi piujuartitsinermik tunngaveqarluni ineriartornissat aamma suliniutissat soqutiginaatillit tapersersuiffiusullu piujuartitsinermik tunngaveqarluni ineriartortitsinissamut siuarsaasinnaasut kommunip pilersaarutaanut kommuninilu pilersaarummi sumiiffinnut ilaasut ilanngunneqarnissaat qulakkeerneqassaaq.

Nr. 16-imut

Allannguinnissaq siunnersuutigineqartoq tunngavissanut aalajangersakkat kinguneratigut iluarsiiernerupput erseqqissaataallutillu, taakkulu kommunip pilersaarutaani aalajangersakkanut pingaarnernut tunngapput.

Nr. 17-imut

Allannguinnissaq siunnersuutigineqartoq kingunissanut iluarsiierneruvoq, tassungalu tunngatillugu imm. 1-imi aamma imm. 2-mi "tunngavissanut aalajangersakkat pingaarnertit" ilanngunneqarsimapput.

Imm. 1-imi immikkoortumik 11-mik nutaanik ilanngussisoqassasoq aamma siunnersuutigineqarpoq, tassanilu nunaminertanik atorneqanngitsunik suliniutissanut

qinnuteqarsinnaanermut immikkut ilanngunneqarsinnaanngitsunik kommunalbestyrelsit toqqaanissaminnut periarfissaqarnerat pineqarpoq. Aalajangersagaq nunaminertat atorneqanngitsut pingaarutillit suliniutissanut qinnuteqarnissami tammannginnissaannut qulakkeerinneqataavoq, tassungalugu atatillugu nunaminertani atorneqanngitsuni sorlarni kommunip suliniutissanut qinnuteqaqqusinnginnera nunarsuarmioqatigiinnut erseqqissarlugu. Taamaaliortoqarneratigut nunaminertani sorlarni qinnuteqaqqusaannginneranut suliniutissanut qinnuteqaasiornissamut aningaasaliisussa qiffissamik pisariaqanngitsumik atuissanngilaq.

Nr. 18-imut

Allannguinnissaq siunnersuutigineqartoq § 21-p allanngornerata kinguneranik sunniutissanut iluarsiineruvoq.

Nr. 19-imut

§ 21 tamakkerluni aalajangersakkanut nunaminertanik atugassiinermut atatillugu kommunit inississinnaasaannut tunngavoq. § 21 imm. 1 aamma imm. 2 suliassaqaqfimmil suleriaasioreersumik nangitsinerupput.

§ 21, imm. 1-imi aalajangersakkat qanoq isillugit kommunimut tamarmut ataasiutillugit nassuiarneqarsinnaanersut nassuiarneqarpoq, taamaattorli nunaannarmut, inoqarfimmut pineqartumut imaluunniit sumiiffiit ilaannut ataasiakkaanut aalajangersakkanik immikkut ittunik ilasisinnaanermut periarfissiisoqarluni.

§ 21, imm. 2-mi eqqarsaatigisassat aalajangersakkat aalajangersarneqalerpata atorneqartussat itisilerneqarput. Matumani siullertut pingaaruteqarpoq nunaminertanik atugassiisarneq pillugu qinnuteqaatit assigiimmik suliarisarnissaat aalajangersakkatigut qulakkeerneqassasut. Tulliattut aalajangersakkat kommunit pilersaarusierneranni anguniagassat piviusunngortittarnissaannut tapersersuisariaqarput. Kiisalu aalajangersakkani sanaartorfigissaanissamut aningaasartuutaasinnaasut allatulluunniit aningaasaqarnikkut pissutsit illoqarfiup ineriartornissaanut pingaaruteqarsinnaasut agguataartarnissaannut tunngavissat aalajangersarneqassapput.

§ 21, imm. 3-mi allannguutissatut siunnersuutigineqartoq aqputigalugu kommunalbestyrelsi suliniutissanut qinnuteqartoqarnerani aamma sanaartortitsinissamut suliniutissani 100 kvadratmeterinik anginerusuni suliniutissanut takussutissat digitaliusut 3D-usut tunniuttarnissaannut sanaartortitsisumut piumasaqarsinnaanermut periarfissinneqarpoq.

Aalajangersagaq illuutitut pilersaarusiernerup innuttaasumut pitsaanerusumik ingerlateqqittarnissaanut qulakkeerinneqataassaaq, tamannalu 3D-mik takussutissat atorlugit siunissami illuutissanut sanaartugassanullu tunngatillugu illuutitut ineriartortitsinissamut pilersaarutitut nutaanut annerusumik isummertoqarsinnaassammat inoqarfimmi pineqartumi innuttaasunut pilersaarutit nutaat sunniuteqarsinnaanerat ilanngullugu.

Nr. 20-mut

Kapitali nutaaq 6, Nunap immikkoortuinut Pilersaarutit, ilanngunneqassaaq.

Nr. 21-mut

Paragraf 21 a-mi aalajangersakkat nutaajupput. Allanguutissatut siunnersuutigineqartumi Kommunalbestyrelsip nunap immikkoortuinut pilersaarutitik suliaqartarnissaanut aalajangersakkat pineqarput.

Imm. 2-mi illuutitut pilersaarusiortarnermi pilersaarusiortarnermut tulleriiarisarnerit erseqqissarneqarput, imatut paasillugu; nunap immikkoortuanut pilersaarut kommunimi pilersaarummut, nuna tamakkerlugu immikkoortunut pilersaarummut, naalagaaffiup pilersaarusiortarneranut imaluunniit pilersaarutitut allanut pingaarnernut akerliussanngitsoq. Taamaaliornikkut kommunimi pilersaarusiortarnermi pilersaarutit assigiinngitsut akornanni paasiuminartoqarnissaa ataqatigiittoqarnissaa kiisalu Namminersorlutik Oqartussat naalagaaffiullu pilersaarusiortarneranni ataqatigiittoqarnissaa qulakkeerseqassaaq.

Imm. 3-mi aamma imm. 4-mi aalajangersakkani kommunimi inoqarfiit akornanni pilersaarusiortarnermut suliniuteqarnerup assigiinngisitaartuunera erseqqissarneqarpoq, tamannalu ima paasineqassaaq; inoqarfinnut (illoqarfinnut) 500-nik amerlanerusunilluunniit innutalinnut nunaminertanik atugassiinernik tunniussisoqassappat tamatigit nunap immikkoortuinut pilersaarummik suliaqartoqartassasoq. Inoqarfinnut (nunaqarfinnut) mikinerusunut 500-t ataallugit innutalinnut nunap immikkoortuinut pilersaarutitik suliaqartoqartassaaq, kisiannili nunaminertanik atugassiinissamat tunniussinissaq sioqqullugu nunap immikkoortuinut pilersaarusiortarnerissaq pillugu piumasqaateqartoqanngilaq.

Aalajangersakkani pissusiviusut malillugit tamanna pillugu massakkut siusinnerusukkullu inatsisini periutsit siunertarineqartullu atuuttut erseqqissarneqarput. (§ 25)

Nr. 21-mut

Qulequtaq nutaaq §§ 21 aamma 22-p allangortinnerisa kingunerannik allanguinissanut iluarsineruvoq.

Nr. 23-mut

Allanguutissatut siunnersuutigineqartoq inatsisissatut siunnersuut atorlugu siusinnerusukkut aalajangersakkat pingaarnertit nunap immikkoortuinut aalajangersakkanut allangortinneqarnissaannut tunngatillugu sunniutissanut allanguineruvoq. Tassunga atatillugu immikkoortup 13-ip kingorna immikkoortut nutaat pingasut ilanngunneqassapput. Aalajangersakkat nutaajupput, kommunillu kissaateqarnerisigit ilanngunneqarsimallutik.

Immikkoortoq 14 atorlugu nunap immikkoortuinut pilersaarusiortarnermi kommunalbestyrelsip nunaannaap ilaani inissiat nalinginnaasut qularnaartarnissaannut piumasqaarsinnaaneranut qulakkeerinninnissaq periarfissinneqarpoq, soorlu nunaannaap ilaani inissiat ataatsimut amerlassusissaanni inissiat ilaasa nalinginnaasuunissaat pillugit aalajangersagaqarnermi.

Inissiani nalinginnaasuni pisariaqartitsisunut tamanut inissiamik tulluurtumik tunniussisarnissaq siunertaavoq, tassalu ineqarnermut akiliut naammagineqarsinnaasoq atorlugu kiisalu innuttaasut namminneq inigisaminni pissutsinut sunniuteqarsinnaanerat ilanngullugu. Tamatuma saniatigit inissianut suleqatigiiffiit ataasiakkaat attartortitsinermit inunnut inissiamik naleqquttumik pissarsinissamat ajornartorsiortunut immikkut isiginninniartassapput.

Inissiaq attartortittagaq nalinginnaasoq inissianut immikkoortorta qarfirmut ilaavoq, taannalu aamma inissiaatileqatigiiffimmut ilaalluni. Najugalittut inissiamut immikkoortorta qarfirmi aamma sumiiffimmi inissiaqarfirmi najugaqarfirmi susoqartarnissaanut aalajangeeqataasoqarsinnaavoq. Tamanna najugallit oqartussaaqataanerannik taaneqartarpoq, tassanilu najugallit immikkoortortami ataatsimiinnermut takkunnermikkut aamma/imaluunniit immikkoortortami siulersuisunut qinigassanngortinnermikkut peqataasinnaapput - immikkoortortami siulersuisut inissiaatileqatigiiffimmi najugalinnut sinniisuupput.

Kommunimut pilersaarummi qarsutsisoqarnissaanut imaluunniit nungullariartortoqarnissaanut sumiiffiit ulorianartorsortut toqqartarnissaat Immikkoortoq 15-imi periarfissinneqarpoq. Immikkoortoq qaqqap sisoorneranut tussaarsuaqarneranullu Uummannap eqqaani Karrat Kangerluani 2018-imi pisimasumut sulinerujussuarmut suliarineqarsimasumut ataqatigiissutut isigineqassaaq. Sumiiffiit ulorianartorfiusut toqqartarnissaat siunissami nunaminertanik atuisarnissap malittarisassiorfiginissaa aammalu pinngitsoortitsinissamut iliusaasinnaasut pilersinnissaat siunertaralugit pipput.

Kiisalu immikkoortoq 16-imi Kommunalbestyrelsip Nunap Immikkoortuinut Pilersaarutini suliniutissanut piujuartitsisumik ineriartortitsiffiusinnaasunut qulakkeerinnittunut tapeeqataasunullu piumasaqarsinnaanera eqqunneqassaaq.

Nr. 24-mut

Aalajangersagaq oqaluttuarisaanikkut kommunini pilersaarutit suliarisarnissaannut qulakkeerinneqataavoq, taamaaliornikkut kommunimut pilersaarut akuersissutigineqareersoq iserfigineqarsinnaassammat. Kommuninut pilersaarutit digitaliusut nutaat pilersaarutininut suliarineqartunut kingullernut tamatigut tulluarsarneqartarsimassapput, taamaammallu oqaluttuarisaanermut paasisaqarsinnaaneq unammillernartuussaaq.

Nr. 25-mut

Allannguutissatut siunnersuut aalajangersakkami § 5, imm. 2-mut innersuussinermut atuuttumut, inatsisissatut siunnersuummi § 1, nr. 3-p malitsigisaanik § 5, imm. 3-nngortumut sunniuteqartitsilluni naqqiineruvoq.

Nr. 26-mut

Allannguutissatut siunnersuutit inatsisissatut siunnersuut aqputigalugu siusinnerusukkut aalajangersakkat pingaarnerit nunap immikkoortuinut pilersaarusiornermi aalajangersakkanut pingaarnerit allanngortinnissaannut tunngatillugu sunniutaasussanut iluarsiiinerupput.

Nr. 27-mut

Aalajangersagaq nutaajuvoq, tamannalu aqputigalugu Kommunalbestyrelsip pilersaarusiornermut periusissiap imamigut kommunip qanoq iliorluni piujuartitsinermik tunngaveqarluni ineriartortitsinissaq kommuninut pilersaarummi piviusunngortissinnaaneraa erseqqissarneqarluni.

Nr. 28-mut

§§ 36a-36 c-ip nutaap kingunerisaanik qulequtaq nutaaq ilanngunneqarpoq.

Nr. 29-mut

§ 36 a, § 36 b aamma § 36 c nutaajupput, nunaminertanillu aqutsinermi oqariartaatsit taaguusersuutillu erseqqissaaffiginerannut sammitinneqarlutik, tamakkulu nunaminertat pillugit nalunaarutinngortussami itisilerneqassapput.

§ 36 a-mi nassuiaatit nutaat atorlugit nunaminertanik atugassiisarnermut taaguummi illuutit kikiattorsimasut sanaartukkallu ilaatinneqalissapput, nunaminertanullu akuersissutit nunaminertamut sanaartukkanut illuutinulluunniit kikiattugaanngitsunut atuinissamut pisinnaatitaaffimmut ilaalissallutik. Sanaartorfiusussat illuutip ilisarnaataatut nassuiarneqarput, tassalu sanaartorneqartussamut oqariartuummut assingungajalluni. Taamaammatt sanaartorfiusussat immamit annerpaamik aalajangersimasumik portussusilerlugit nunaminertamik atuinertut nassuiarneqartassapput.

§ 36 b-mi nunaminertanik atugassiisarnarit ataavartumik ilaannikkooriarlunili killilimmik piffissaligaasarnerat erseqqissarneqarpoq. Nunaminertanik kikiattuini atuisarnarit nunaminertanut akuersissutit nassuiarneqarput, taakkulu tamatigut piffissatigut killiligaasarput. Tamanna assersuutigalugu angallatit ukiuunerani inissittarnerannut, qamuterallannik inissiisarnernut allanullu tunngavoq.

Nunaminertanut akuersissutit sivisunerpaamik ukiut 5-it tikillugit tamatigut piffissaligaasarput. Taamaakkaluortoq nunaminertanik akuerissutip piffissaligaanera ukiut tallimakkaarlugit sivitsuiffigisarnissaa periarfissaavoq.

Nunaminertanut akuersissutit qaammatinik 3-nik kalerriuteqarnikkut utertinneqarsinnaapput.

§ 36 c-mi nunaminertanik atugassiisarnarit tullerriaarineranut ilaasarnissaat erseqqissarneqarpoq, tassani pingaarnertut nunaminertamik atugassiineq nunaminertanik atugassiisarnernut allanut arlalinnut attuumassuteqarluni. Illoq assersuutigalugu pingaarnertut nunaminertamik atugassiineranut ilaasussaavoq, tassungalu aneerasaartarfiit, kloakinut aqqusersuutit, tummeqqat allallu nunaminertanut atugassiineranut allanut ilaasussaallutik.

Nr. 30-mut

Allannguutissatut siunnersuummi Naalakkersuit nunaminertanik atugassiinissat tunniuttarnissaannut periarfissamik atuisimatillugit periaaserineqartup nassuiaaffiginissaa siunertarineqarpoq. Kommunit kommunip nunaminertaanut tamarmut nunaminertanut oqartussaapput, tassanilu Naalakkersuisut immikkoortunut oqartussaasuisa piginnaatitsissummik tunniunneqartumik taassuminnga ataqqinnittarnissaat anguniartariaqarpoq. Nunaminertanullu atugassiisarnarit taamaattut imarisaat sulinermi pilersaarusiortarnermut nunaminertanullu inatsisini tunngavigineqartut iluanni suliarineqartussaassapput. Naalakkersuisut arlaannik pissutissaqarlutik allatut ajornartumik kommunini nunaminertanut piginnaatitsissummik qaangiissagaluarpata siunissami tamanna nuna tamakkerlugu najoqqutassaq aqqutigalugu pisartussaassaaq.

Naalakkersuisut umiarsualivinni mittarfeqarfinnilu sumiiffiit sanaartorfioqqusaanngitsut iluanni nunaminertanik atugassiisarnermut atatillugu tusarniaaffigineqartartussaapput,

pisariaqavissappallu nunaminertanik atugassiisernerup tunniunneqarnissaanut akerliliinermik tunniussaqaarsinnaallutik.

Sumiiffiit sanaartorfioqqusaanngitsut oqartussanik attuumassutilinnit aalajangersarneqassapput, matumani teknikikkut atortut imaluunniit imeq imerneqartussaq illersorniarlugit. Sumiiffiit sanaartorfioqqusaanngitsut assersuutigalugu imermik atuiiffiusinnaasunut, nalunaarasuartaatinut napparussuarnut, qaartiterinernut inissiisarfinnut, tankeqarfinnut, umiarsualivinnut, mittarfinnut, heliportinut allanullu tunngatillugu sumiiffiit killeqartinnissaannut imaluunniit sumiiffiit sillimaffiunissaannut atatillugu aalajangersagaapput aalajangersarneqarsimasut.

Kommunit nunaminertamik atugassiinissamut tunniussinerannut akerliliineq pilersarusiornermut tunngavigineqartoq atuuttoq naapertorlugu aalajangersakkat immikkut aalajangersaaffigineqartut imaluunniit immikkorluinnaq pisut aallaavigalugit tunngavilersuineramik pisariaqartitsiffiussaaq.

Nr. 31-mut

Tunngaviusumik paasissutissanut programi atorlugu nunaminertanut tunngatillugu tunngaviusumik paasissutissanut aammalu aqutsinissamut periaatsit annertuumik digitaliseeriinermut nuna tamakkerlugu nalunaarsuiffissat pilersinnerisigut ilaalissapput. Tamatuma malitsigisaanik nunaminertanik aqutsineq pillugu nuna tamakkerlugu nalunaarut aqutugalugu kommunit 5-it akimorlugit nunaminertanik aqutsinissamut aalajangersakkat assigiissaarnissaat pisussaassaaq. Taamaattumik suliaqarnissamut pisariaqartumik tunngaviliinissaq aalajangersakkatigut qulakkeerneqassaaq.

Nr. 32-mut

Piffissaq teknikikkullu ineriartorneq § 40-mi aalajangersagaareersunut naleqqukkunnaarsimavoq, allannguutissatullu siunnersuutigineqartumi aalajangersakkanik nutaanik ullutsinnullu naleqquttunik taarserneqassallutik, tamakkulu ilaatigut tunngaviusumik paasissutissat pilersinnissaannut periarfissiipput.

Tunngaviusumik paasissutissat paasissutissaapput tunngaviulluinnartut, taakkulu oqartussat ulluinnarni sulianik suliarinninneranni ilaasussaapput. Matumani assersuutigalugu inunnut, suliffeqarfinnut, najugaqarfiit sumiinnerannut, illuutinut sumiiffinnullu paasissutissat pineqarput, tassalu nunap assingi digitaliusut.

Tunngaviusumik paasissutissat ineriartortitsiffiunissaannut tunngavissat pingaarnerit akornanniipput:

- paasissutissat **erseqqissuussapput** - tassa paasissutissat assigiimmik paasineqarsinnaasasut, tamakkulu teknikikkut ineriartornermut atuisullu pisariaqartitannut naapertuullutik nunap assingatigut assigeeqqissaasasut - soorlu sumiinnermut sumiissusersiornermullu qarasaasiakkut teknologii assammik tigummissassamut tunngatillugu
- paasissutissat **nutarterneqarsimassapput** - aamma massakkut pisumut tunngatillugu periarfissaqarneq malillugu
- paasissutissat **eqqortuussapput tutsuiginartuullutillu** - tassa paasissutissat ulluinnarni atornerarnerat aqutugalugu najoqqutassallu isumaqatigiissutaasimasut

kingorna nakkutigineqarsimassasut pitsaassutsimullu qularnaarneqarsimassasut. Kukkunerit amigaatillu ajornaatsumik nalunaarutigineqassapput aammalu sunniuteqartumik sukkasuumillu iluarsineqarlutik.

- paasissutissat **killilersugaassanngitsut** - tassa tamanit atorineqarsinnaassallutik (soorunami inunnut paasissutissat isertuuttariaqartut pinnagit)
- paasissutissat **assigiissaarneqarsimassapput** - tassa taaguutit paasissutissanullu takussutissat nassuiarneqarsimassallutik, saqqummersinneqarsimassasut suliassaqarfimmilu paasissutissanut tunngavigineqartut tamaasa akimorlugit atorineqassasut.
- tunngaviumik paasissutissat atornissaanik **pisussaaffeqartoqarpoq** - tassa oqartussat tamarmik pisortani tunngaviumik paasissutissanik atuisassasut
- tunngaviumik paasissutissat tamanut pisariunngitsumik **agguanneqassapput**

Tunngaviit siuliani taaneqartut tunngaviumik paasissutissanik pilersitsinermi suliniuteqarnerup imminut akilersinnaanissaata qulakkeernissaannut pisariaqartinneqarput. Tunngavissat eqqortinneqarsimangippata tunngaviumik paasissutissat pineqartussaangillat. Tunngavissat siulianiittut eqqortinnissaat qulakkeerniarlugu aammalu tunngaviumik paasissutissat imminnut akilersinnaanerannut pilersitsinissamut suliniutissat qulakkeerniarlugit nalunaarsuiffiit nutaat inatsisinik aammalu aqutsinermut paasissutissanullu suliassaqarfiit assigiinngitsut killiffiisa nassuiaaffiginissaannik malitseqartinneqartassapput.

Tunngaviumik paasissutissanik sulineq teknikimut tunngasuuginnanngilaq, kisiannili aamma inatsisit pisariaqartinneqartut aqutigalugit aqutsinissamut suliassaqarfinni pineqartuni siunissami killiffiusussat qulakkeernissaat pillugit apeqqummut tunngallutik. Digitaliseeriinissamut sulinissat nutaat tunngaviumik programimi pilersinneqartut arlaatigut oqartussanut suliassaqarfinnut programimi attorneqartunut attuumalluinnartuupput.

Illuutinut Aalaakkaasunut tunngaviumik paasissutissani nunaminertanut paasissutissat (nunaminertanut nalunaarsuiffik), atuisutut pisinnaatitaaffilik pillugu paasissutissat (atuisunut pisinnaatitaaffilinnut nalunaarsuiffik) aamma illuutit pillugit paasissutissat (illuutinut nalunaarsuiffik) pineqarput.

Aalajangersakkani siunnersuutigineqartuni nunaminertamik atugassiinissaq pillugu qinnuteqartumut najoqqutassat nutaat erseqqissaaffigineqarput, tamakkulu NunaGIS-imi qinnuteqaateqarfissaq aqutigalugu qarasaasiakkut pissapput. Qinnuteqaatit tamarmik siunissami qarasaasiakkut atsiornermik ilaqartassapput. Imm. 3-mi nunaminertanik atugassiinerup ilusissaanut imassaanullu aalajangersakkanik sukumiinerusunik Naalackersuisut suliqaartarnissaannut aalajangersaanissamut aamma tunngavissinneqarput. Aalajangersakkat kommunit akimorlugit nuna tamakkerlugu nalunaarsuiffimmi nunaminertat siunissami assigiissumik nalunaarsortarnissaat siunertarlugu nalunaarummi atortussanngortinneqassapput.

Massakkut nunaminertanut nalunaarsuiffik, NIN, nunaminertanik atugassiinermik piginnittunut inunnut paasissutissanik nalinginnaasunik imaqarpoq. Paasissutissanik tunngaviumik aqqissuussinermi nunaminertanik nalunaarsuiffik marlunnut avissaartinneqarpoq, inuit aamma suliffeqarfiit nunaminertaniit peerneqarlutik aamma

Nunaminertanik atuinnermut pisinnaatitaaffilerneqarnikut nalunaarsorsimaffiannut nuunneqarlutik. Taamaasilluni nalunaarsuiffiit marlungortussaassapput.

Nr. 33-mut

Allannguutissatut siunnersuutigineqartoq inatsisissatut siunnersuut atorlugu siusinnerusukkut aalajangersakkanut pingaarnernut tunngatillugu nunap immikkoortuanut pilersaarutitut allanngortussanut sunniutaasussanut iluarsiieneruvoq.

Nr. 34-mut

Allannguutissatut siunnersuutigineqartumi imm. 5-imi aalajangersakkani nutaani aqutsinissamut suleriaasioreersumik inatsisitigut atortussanngortitsineruvoq, tassani § 41 naapertorlugu kommunit sanaartorfiusussamut nunaminertamik qinnuteqartumut qaammatini 6-imi immikkoortitsisinnaallutik. Sanaartorfiusussamut nunaminertamik inniminniisarnerit sivitsuiffigineqarsinnaanngitsut aalajangersakkatigut aalajangersarneqarpoq.

Nr. 35-mut

§ 45a-mut aalajangersakkat nutaat marluk ilanngunneqarput. Imm. 8-mi siullermi allannguinnissami siunnersuutigineqartumi kommuninik arlaatigut siusissukkut isumaqatigiissusiortoqartannginnissaa erseqqissaatigineqarpoq, tassalu matumani kommunip kinaassusersiornani naliliinera aammalu kinguneratigut suliniutissamut siunnersuummik toqqaanera nalorninartoqarsinnaassammata. Assersuuteqassagaanni attartornissamut isumaqatigiissut aqutigineqarsinnaavoq, matumani kommuni ineriartortitsisumiit inissiamik attartornissamut qilersorsimatillugu. Ineriartortitsisorlu suliniutissamut qinnuteqarsinnaaneq pillugu qinnuteqarsimappat kommunip suliniutigineqartussamut nunaminertamik qinnuteqaatip tunniunnissaanut tunngatillugu kinaassusersiornani aalajangiisimanissaa pineqartussaavoq. Matumani allatut siunnersuutissat pineqarsimatillugit pisussat immikkut pineqarput.

Imm. 9-mi allami suliniutissanut qinnuteqarsinnaanermut periarfissat imaalillugit ikilisarneqarlutillu erseqqissaaffigineqarput suliniutissamut siunnersuut taamaallaat sumiiffinni nunaminertamik pisinnaatitaaffimmik peqanngitsuni atuinnissamullu pisinnaatitaaffeqanngitsuni suliniutissamut pilersaarut piviusunngortissinnaanngorlugu. Tulluartsuussanngilaq suliniutissanut qinnuteqartoq nunaminertamut aalajangersimasumut siunissami atuinnissamut pisinnaatitaaffimmik pigisaqalersinnaappat, matumani inuk suliffeqarfilluunniit alla atuinnissamut pisinnaatitaaffimmik peqareersimatillugu.

Aalajangersakkat nutaat marluk taakku pilersaarusiortarnermut inatsisip suunngitsumik allanngortinnerata kingorna pilersaarusiortarnermut inatsisip 2015-imi atuutilernerani suliniutissanut qinnuteqartarnermi kommunit misilittagarilersimasaannik aallaaveqarput. § 54-ip sulianik suliarinnittarnermut akiliutaasartunut tunngatillugu iluarsiiiffinerani suliniutissanut qinnuteqaatit aamma ilaasussanngortinneqarput.

Nr. 36-mut

Ilanngunneqartoq allannguinnissarlu siunnersuutigineqartut tunngaviusumik paasissutissanut programimik suliaqarnerup kingunerivai. Illuutit Aalaakkaasut pillugit tunngaviusumik paasissutissat programinut ilaasussat arlallit ilagiinnarpaat, tassanilu nunaminertat, atuinnissamut pisinnaatitaaffiit illuutillu pillugit paasissutissat pineqarput. Illuutitut

Aalaakkaasunut programip ilaani atuinissamut pisinnaatitaaffeqartoq pineqartoq pillugu paasissutissat siunissami nunaminertanut nalunaarsuiffimmiit nalunaarsuiffimmut nammineq atugassamut avissaartinneqassapput, taannalu taamaallaat atuinissamut pisinnaatitaaffilik pillugu paasissutissanik imaqassaaq.

Atuisinnaanermut pisinnaatitaaffimmik pigisallit pillugit paasissutissat siunissami atuisinnaanermut pisinnaatitaaffimmut nalunaarsuiffimmi, nunaminertaq pillugu paasissutissani kiisalu illuutunut nalunaarsuiffimmi iluutit pillugit paasissutissani nassaassapput.

Nalunaarsuiffik atuisinnaatitaanermut paasissutissartaqartoq, maannakkut piginnittumut qularnaveeqqusiusinermullu tunngasut pillugit eqqartuussivimmi maannakkut nalunaarsuisarnermut, taartigineqartussat eqqarsaatigineqanngilaq, tassami nalunaarsuiffik allaffissornermut siunertanut ineriartortinneqartussatut eqqarsaatigineqarmat.

Nalunaarsuiffimmi eqqartorneqartumi paasissutissat eqqortuusussaapput eqqortumillu takutitsisussaallutik.

Pisinnaatitaaffinnik pioreersunik tamakkiisumik misissuineq nutarterinerlu, nalunaarsuinerit amerlasuunik kukkuneqartut, ingerlaannaq paasineqarsinnaanngitsunik imaluunniit iluarsineqarsinnaanngitsunik, ilimagissallugu tunngavissaqarluni pisoqartillugu, pisariaqarpat ingerlanneqartariaqarput.

Nr. 37-mut

Allannguutissatut siunnersuutigineqartoq inatsisissatut siunnersuut atorlugu siusinnerusukkat aalajangersakkanut pingaarnernut tunngatillugu nunap immikkoortuanut pilersaarutitut allanngortussanut sunniutaasussanut iluarsiieneruvoq.

§ 50, imm. 1-imi kommunalbestyrelsip nunap immikkoortuinut aalajangersakkaniit pingaarnerniit immikkut akuersissuteqarsinnaanera erseqqissarneqarpoq. Immikkut akuersissuteqarneq kommunimi pilersaarummi tunngavissanut aalajangersakkani tunngavigineqartunut akerliusimappat taamaallaat periarfissaavoq.

Nunap ilaanut tunngatillugu Namminersorlutik Oqartussani oqartussanik imaluunniit naalagaaffimmi oqartussanik isumaqatigiissuteqarenikkut tunngavissanut aalajangersakkat pingaarnernit aalajangersarneqarlutik aalajangersaaffigineqarsimappata aalajangersakkap saneqqunnissaa sioqqullugu kommunalbestyrelsi akuersissummik immikkoortunut oqartussaasumiit pineqartumiit piniaqqaartartussaanera § 50, imm. 2-mi aalajangersarneqarpoq.

Kommuni nunaminertanik atugassiinissanut tunngaviusumik aalajangersakkanut naapertuutinngitsunut immikkut akuersissuteqarnissamik kissaateqarsimappat, tamanna aatsaat nunap ilaanut tunngaviusumik aalajangersakkat nutaat pigilernerisigut aalajangersaaffiginerisigullu pisinnaassasoq § 50, imm. 3-mi erseqqissarneqarlunilu ilanngunneqarpoq.

Nr. 38-mut

Aalajangersakkamik iluarsiiinermi aamma suliniutissanut qinnuteqaatit ilanngunneqarput. Taamaasilluni suliniutissanut qinnuteqaatit suliarinerannut atatillugu akiliusissanik kommunit akiliisitsiniarsinnaanerat periarfissinneqarpoq. Suliniutissanut qinnuteqaatit siullermik

ilimagisamiit kommunit sulianik suliarinnittarnerannut allaffissornikkut
oqimaatsorsiornerulernissaannik kinguneqarsimasoq aamma paasinarsisimavoq.

Nr. 39-mut

Naalakkersuisut aalajangiineri Kalaallit Nunaanni Eqqartuussivimmut
suliassangortinnissaannut qaammatinik 6-inik piffissaliinerit aalajangersakkatigut
aalajangersarneqarpoq. Ulloq manna tikillugu piffissamut killiliisoqartarsimanngilaq,
taamaammallu aalajangiinerit tamarmik pisoqaassusaat apeqqutaatinnagit tunngaviatigut
Kalaallit Nunaanni Eqqartuussivimmut suliassangortinneqarsinnaagaluarlutik.

Siunnersuut inatsimmumut atuuttumut sanilliullugu	
<i>Oqaasertaliussat atuuttut</i>	<i>Siunnersuut</i>
	§ 1 Pilersaaruseriorneq aamma nunaminertat atorneqartarnerat pillugit Inatsisartut inatsisaanni nr. 17, 17. november 2010-meersumi, Inatsisartut inatsisaatigut nr. 34, 9. december 2015-imeersumi allanngortinneqartumi, makku allanngortinneqarput:
<u>§ 1</u> 3) nunap nunaminertaasa pilersaaruseriorneq inuussutissarsiornikkut, inooqatigiinnikkut avatangiisitigullu iluaqutaasumik ineriartornermik siuarsaasusaaq naapertorlugu atorneqarnerisigut,	1. § 1, nr. 3, ima oqaasertalerneqassaaq: "nr. 3) nunatsinni nunaminertat pilersaaruseriornerit inuussutissarsiornikkut, isumaginninnikkut avatangiisitigullu piujuartitsilluni ineriartortitsiffiusut naapertorlugit atorneqassasut,"
	2. § 2-mi imm. 2-tut ilanngunneqassaaq: " <i>Imm. 2.</i> Inatsisartut inatsisaat aatsitassarsiornermi suliffissuarnut pilersaaruseriornermut nunaminertanillu atugassiiisarnernut atorneqassanngilaq."
	3. § 5-imi imm. 1-ip kingorna imm. 2-tut nutaatut ilanngunneqassaaq: " <i>Imm. 2.</i> Naalakkersuisut nuna tamakkerlugu immikkoortunut pilersaaruseriornerup ataatsimut suliarinissaanik ataqatigiissaarneqarnissaanillu qulakkeerinnissapput." Imm. 2 aamma 3 tamatuma kingorna imm. 3-tut aamma 4-tut allanngortinneqassapput.
<u>§ 5</u> <i>Imm. 2.</i> Naalakkersuisut nuna tamakkerlugu qarasaasiaq atorlugu, nunami sumiiffinnut tamanut paasissutissanik katersuiffimmik,	4. § 5, imm. 2, imm. 3-nngortoq ima oqaasertalerneqassaaq: " <i>Imm. 3.</i> Naalakkersuisut nuna tamakkerlugu qarasaasiaq atorlugu, nunami sumiiffinnut tamanut paasissutissanik katersuiffimmik, pilersaaruseriornerup isaaffitalimmik atugassaqartitsissapput. Qarasaasiaq

<p>pilersaarussianut isaaffittalimmik atugassaqartitsissapput. Naalakkersuisut suliaasaqarfinnut oqartussaasui aamma kommunit nunaminertat pillugit aalajangiussanit aalajangersimasunut atugassanngortitsinerit aamma nunaminertanik atuinissamik killilersuinerit pillugit paasissutissanik, Naalakkersuisut qarasaasiaq atorlugu nunami sumiiffinnut tamanut paasissutissanik katersuiffiannut pilersaarussianullu isaaffiutaannut saqqummiisassapput. Qarasaasiaq atorlugu pilersaarussianut isaaffik nunaminertat nunami sumiiffiini killiliinerit kiisalu nunaminertap pineqartup inatsisitigut aalajangersakkanut pineqartunut ilaaffiunut innersuussinerit pillugit paasissutissanik imaqassaaq.</p>	<p>atorlugu pilersaarussianut isaaffik nunaminertat nunami sumiiffiini killiliinerit kiisalu nunaminertap pineqartup inatsisitigut aalajangersakkanut pineqartunut ilaaffiunut innersuussinerit pillugit paasissutissanik imaqassaaq. Naalakkersuisut immikkoortunut oqartussaasui kommunillu nunaminertanik atuinissanut immikkoortunut pilersaarutit, nunaminertanik atugassaisarnernit killilersuutillu tigussaasumik atortussanngortinnissaannut paasissutissanik qarasaasiaq atorlugu pilersaarussianut isaaffimmut nalunaaruteqartassapput.”</p>
<p><u>§ 5</u> <i>Imm. 3.</i> Naalakkersuisut tamatumunnga pisariaqartillugu kisiannili peqqussutip matuma atuutilerneranit naatsorsukkamik minnerpaamik ukiut sisamakkaarlugit sanaartorfissanik pilersaarusionermi inuiaqatigiinni soqutigisat pingaarutillit takussutissiortassavaat.</p>	<p>5. § 5, imm. 3, imm. 4-nngortoq oqaaseqatigiit aappaattut nutaatut ilanngunneqassaaq: "Takussutissiaq qarasaasiakkut tamanut saqqummiunneqarsinnaavoq.”</p>
	<p>6. § 5-imi imm. imm. 5-itut ilanngunneqassaaq: ” <i>Imm. 5.</i> Naalakkersuisut immikkoortunut pilersaarutit illuliornermut tunngasut tamakkulu nalunaarutigisarnissaasa suliarisarnissaat pillugit aalajangersakkanik sukumiinerusunik aalajangersaasinnaapput. Naalakkersuisut tassunga atatillugu immikkoortut sorliit immikkoortunut pilersaarusionerfiginissaat pillugit aalajangersakkanik aalajangersaasinnaapput.”</p>
	<p>7. § 8 ima oqaasertaqalerneqassaaq:</p>

<p>§ 8. Naalackersuisut minnerpaatut ukiut sisamakkaarlugit nuna tamakkerlugu pilersaarusiorneq pillugu Inatsisartunut nassuiaasiortassapput.</p>	<p>” § 8. Kommuninut tusarniaanerit kingorna Inatsisartunut nutaamik qinersisoqareernerata kingorna kingusinnerpaamik ukioq ataaseq qaangiutsinnagu nuna tamakkerlugu pilersaarusiorneq pillugu nalunaarummik Naalackersuisut Inatsisartunut kommunalbestyrelsinullu tunniussissapput.”</p>
<p>§ 14, imm. 1 Kommunalbestyrelsip kommuneqarfimmi nunaminertanut atuinissamut kommunimut pilersaarusiortitsinissaq pisussaaffigaa. Tamanna pissaaq kommunimi nunaminertaqassutsimik, pinngortitap pissarititaanik aningaasassaqaqarnermillu ataatsimut naliliineq, innuttaasut amerlassusaannut inuussutissarsiornikkullu ineriartornermut anguniakkat aamma pisortat suliaasaqarfiinut pilersaarusiorneq kiisalu Inatsisartut inatsisaannut matumunnga siunertaasutaallaavigalugit, tak. § 1.</p>	<p>8. § 14, imm. 1-imi oqaaseqatigiit pingajuattut ilanngunneqassaaq: "Kommuninut pilersaarummi piffissaliussaq sivikinnerpaamik ukiunik 12-inik sivilissusilik ilanngunneqassaaq.”</p>
<p>§ 14 Imm. 2. Kommunimut pilersaarut imaqassaaq: 1) Immikkoortoq kommunimut pilersaarutip tunngavigisaannik aamma kommunip ineriartornissaanut anguniakkanut nassuiaataasoq, tak. § 15.. 2) Immikkoortoq kommunip ataatsimut pingaarnertut ilusiligaaneranut kiisalu kommunip illoqarfiisa, nunaqarfiisa aamma nunaannarmik atugassiinissaq ataasiakkaat ilusiligaanerannut tunngasoq, tak. §§ 16 aamma 17. 3) Immikkoortoq aalajangersakkanik imaqartoq, tassani aalajangersarneqassallutik sumiiffiup ilaanni aalajangersimasuni</p>	<p>9. § 14 imm. 2, nr. 2 aamma nr. 3 imatut oqaasertalerneqassaaq: "2) Immikkoortoq pingarneq kommunip ataatsimut ilusiligaaneranut, sumiiffinnut immikkut pingaarnertut ilusilikkamut kiisalu kommunimi illoqarfinnut, nunaqarfinnut aammalu nunaannaap tunniuttarnissaanut pingaarnertut ilusiligaq, takuuk §§ 16 aamma 17. 3) Immikkoortoq aalajangersakkanik imaqartoq, tassani aalajangersarneqassallutik sumiiffiup ilaanni aalajangersimasuni ataasiakkaani nunaminertanik atuinissamut aamma illuliortiternissamut aalajangersakkat pingaarnertut, takuuk § 20, aamma takuuk § 14a.”</p>

<p>ataasiakkaani nunaminertanik atuinissamut aamma illuliortiternissamut aalajangersakkat pingaarnert, tak. § 20 4) Kommunalbestyrelsip nunaminertanik atugassiisarnissaanut aalajangersakkat, tak. § 22.</p>	
<p><u>§ 14</u> <i>Imm. 3.</i> Kommunalbestyrelsi aamma kommunimut pilersaarutip aalajangersakkanut immikkoortuani, sumiiffiup ilaanni aalajangersimasuni ataasiakkaani nunaminertanik atuinissamut aamma illuliortiternissamut aalajangersakkanik sukumiisunik aalajangersaasinnaavoq, taamaattorli takuuk § 27, imm. 2 aamma 3.</p>	<p>10. § 14, imm. 3 ima oqaasertalerneqassaaq: ” <i>Imm. 3.</i> Kommunalbestyrelsi aamma nunap ilaannut ataasiakkaanut nunaminertanik atuinissanut illuliortiternissanullu nunap immikkoortuinut pilersaarutinut aalajangersakkanik nassuiaasersukkanik aalajangersaasinnaavoq, taamaattorli takuuk § 27, imm. 2 aamma 3.”</p>
<p><u>§ 14</u> <i>Imm. 4.</i> Kommunimut pilersaarut Naalagaaffiup aamma Namminersorlutik Oqartussat suliassa qarfinnut pilersaarusiornertinut, § 9 malillugu nuna tamakkerlugu pilersaarusiornertimut malitassianut imaluunniit inuiaqatigiinni soqutigisanut pingaaruteqartunut, tak. § 5, imm. 3, akerliussanngilaq.</p>	<p>11. § 14, imm. 4, imatut oqaasertalerneqassaaq: ” <i>Imm. 4.</i> Kommunimut pilersaarut Naalagaaffiup aamma Namminersorlutik Oqartussat suliassa qarfinnut inatsisaannut il.il., § 9 malillugu nuna tamakkerlugu pilersaarusiornertimut malitassianut imaluunniit inuiaqatigiit soqutigisaannut pingaaruteqartunut, takuuk § 5, imm.. 4, akerliussanngilaq.”</p>
	<p>12. § 14-ip kingorna ilanngunneqassaaq: “ § 14 a. Kommunalbestyrelsip nunap ilaannut sammiviliinissamut pilersaarutinik suliaqartoqassasoq aalajangersinnaavaa. <i>Imm. 2.</i> Sammiviliinissamik pilersaarut atorlugu siunissami kissaatigisamik atuinissanut piffissap ukiut sisamat siulliit ingerlaneranni piviusunngortinneqarsinnaanngitsutut nalilerneqartumi nunap ilaannik kommunalbestyrelsi immikkoortitaqarsinnaavoq. <i>Imm. 3.</i> Nunap ilaanut sammiviliinissamut pilersaarutinik suliaqarfiusimasunut tunngatillugu tunngaviliinissamut aalajangersakkanik pingaarnernik suliaqartoqassanngilaq.</p>

	<p><i>Imm. 4.</i> Nunap ilaanut sammiviliinissamut pilersaarutiniq suliaqarfiunngitsunut nunaminertanik atugassiisoqarsinnaanngilaq.</p> <p><i>Imm. 5.</i> Nunap ilaanut sammiviliinissamut pilersaarut aatsaat tunngaviliinissamut aalajangersakkanik pingaarnernik suliaqartoqarneratigut atorunnaarsinnaavoq, takuuk § 20.</p> <p><i>Imm. 6.</i> Nunap ilai sammiviliinissamut pilersaarusiortifigineqarsimasut § 45a naapertorlugu pilersaarusiornissamut qinnuteqarnissamut periarfissiisinnaapput.”</p>
<p>§ 16. Kommunimut pilersaarutip ilusiligaanerani pingaarnerni, § 14, imm. 2, nr. 2-mi taaneqartumi ataatsimoortumi nunasseriaatsit ineriartornerat pingaarneq aamma kommunimi nunaannarmut pilersaarutit ataatsimoortillugit naliliiffigineqassapput.</p> <p><i>Imm. 2.</i> Kommunimut pilersaarutip ilusiligaanera pingaarneq, imm. 1-imi taaneqartoq ataatsimoortoq aamma killiffinnut nassuiaatinik, aammalu kommunimi pingaarnernit attaveqaatillu ataatsimut aqqissuunneqarnerini siunissami ineriartornissamut periarfissanik naliliinermik imaqaarsinnaavoq.</p>	<p>13. § 16 ima oqaasertalerneqassaaq:</p> <p>"§ 16. Kommuninut pingaarnertut ilusilersuineri § 14, imm. 2, nr. 2-mi taaneqartumi kiisalu nunap immikkoortuinut immikkut pingaarnertut ilusilersuineri kommunimi najugaqariaatsinut nunaannarmilu pingaarnertut ineriartornerut pilersaarutit ataatsimut nalilersuiffiginerisigut aalajangersarneqassapput.</p> <p><i>Imm. 2.</i> Imm. 1-imi kommuninut pingaarnertut ilusilersuinerit ataatsimoortinneqalernissaat kiisalu nunap immikkoortuinut immikkut pingaarnertut ilusilersuinerit taaneqartut pingaarnertut kommuninullu attaveqaasersuutit ataatsimoortinneqalersinnaanerannut siunissami ineriartortitsinissamut periarfissat killiffiannut nassuiaanermik nalilersuinermillu imaqaassapput.”</p>
	<p>14. § 17-imi imm. 2-p kingornagut ilanngunneqassaaq:</p> <p>" <i>Imm. 3.</i> Kommunalbestyrelsi agguataarinissanik imm. 2-mi sumiiffinnut killilersuinerit taaneqartunut annertunerusumik nassuiaasersukkanik aalajangersaasinnaavoq".</p> <p>" <i>Imm. 4.</i> Kommunalbestyrelsi innutaasunut tipitigut, silaannakkut nipiliornikkullu akornutit minnerpaaffiutinnissaat siunertaralugu sumiiffiit inuussutissarsiornermut umiarsualiveqarnermullu atorineqartussat aamma sumiiffiit inissianut pisiniarfinnullu tunniunneqarsimasut akornanni</p>

	<p>minnerpaamik ataatsimut ungasissuseqarnissaannut aalajangersaasinnaavoq.”</p>
<p>§ 19. §§ 17 aamma 18 naapertorlugit kommunimut pilersaarummi sumiiffiit ilaannut aalajangersaaneq makku eqqarsaatigalugit pissaaq:</p> <p>1) Isumannaallisaanermi eqqarsaatigisassat kiisalu nunaminertat imermik katersuiviit il.il. aallaavigalugit, atortut eqqaanni killeqarfiit piumasqaateqarfiusut inatsisini allani aalajangersarneqartut.</p> <p>2) Eqqissisimatitat eriagisassallu, taakkununnga ilanngullugit illut illoqarfimmilu sumiiffiit eqqissisimatinneqartut eriagisaasullu, kiisalu pinngortitami sumiiffinniluunniit immikkut ittumik nalillit.</p>	<p>15. § 19-imi imm. 3-tut nutaatut ilanngunneqassaaq: "3) Piujuartitsilluni ineriartortitsinermut nunarsuaq tamakkerlugu, nunami namminermi najukkanilu suliniutissat.”</p>
<p><i>Kommunimut pilersaarutit aalajangersakkanut tunngasortaat, aalajangersakkat pingaarnerit</i></p>	<p>16. § 19-ip kingorna qulequtaq imatut oqaasertalerneqassaaq: "<i>Kommunini pilersaarutit sumiiffinnut tunngasortai, pingaarnerit tunngavissanut aalajangersakkat</i>"</p>
<p>§ 20. Nunaminertanik atuinermut sanaartukkanullu aalajangersakkat pingaarnerit, § 14, imm. 2 nr. 3-mi taaneqartut makku eqqarsaatigalugit sumiiffiit ilaannut ataasiakkaanut aalajangersarneqassapput:</p> <p>1) Sumiiffiup atorneqarneranut siunertaq.</p> <p>2) Nunaminertanik sanaartukkanillu atuneq, taakkununnga ilanngullugit sullissiviit pisortallu kiffartuussiviisa allat inissisimaffii.</p> <p>3) Sanaartorfiup suussusaa annertussusaalu, uuma ataani ilaatigut sanaartorfiup qanissusaanik,</p>	<p>17. § 20 ima oqaasertalerneqassaaq: ” § 20. Nunaminertanik atuinermut sanaartukkanullu tunngavissanut aalajangersakkat pingaarnerit § 14, imm. 2, nr. 3-mi taaneqartut makku eqqarsaatigalugit sumiiffiit ilaannut ataasiakkaanut aalajangersarneqassapput:</p> <p>1) Sumiiffiup atorneqarnissaanut siunertaq.</p> <p>2) Nunaminertanik sanaartukkanillu atuneq, taakkununnga ilanngullugit sullissiviit pisortallu kiffartuussiviisa allat inissisimaffii.</p> <p>3) Sanaartukkap suussusia angissusaalu, taakkununnga ilaatigut ilanngullugit sanaartukkat akulikissusiat, portussusiat ungasissutsimullu tunngasut malittarisassiornerat.</p> <p>4) Sumiiffiup ilaani inissiat inuussutissarsiornerlu eqqarsaatigalugit inittussuseq sinneruttoq.</p> <p>5) Eqqissisimatitat eriagisassallu, taakkununnga ilanngullugit illuutit, atortut sumiiffiilluunniit eqqissisimatitat eriagisallu, pinngortitami nalillit eriagisassat kiisalu sumiiffiit kulturikkut oqaluttuarisaanermut pingaarutillit.</p>

<p>portussusaanik aamma ungasissutsimut tunngasortaanik malittarisassaliorneq.</p> <p>4) Sumiiffiup ilaani inissiat inuussutissarsiornerlu eqqarsaatigalugit initussuseq sinneruttoq.</p> <p>5) Eqqissisimatitat eriagisassallu, taakkununnga ilanngullugit illut, atortut sumiiffiilluunniit eqqissisimatitat eriagisallu, pinngortitami nalillit eriagisassat, kiisalu sumiiffiit kulturikkut oqaluttuarisaanermut nalillit.</p> <p>6) Qaartartuusiviit, tankeqarfiit, mittarfeqarfiit, imermik katersuiveqarfiit, nalunaarasuartaaserisoqarfiit aamma nunaminertat ikuallattoqartillugu annaassiniarnermut atorneqartartut il.il. eqqaanni isumannaallisaanermut killeqarfiit.</p> <p>7) Sumiiffiit ilaasa angallannikkut sullinneqarnerat aamma pilersuinerlut atortut inissisimaffii, taakkununnga ilanngullugit aqqusineqarfiit aqqusersuutinullu ikkuffiit.</p> <p>8) Sumiiffiup ilaani illoqarfimmik nutarterineq isaterinerlu,</p> <p>9) Sumiiffiup ilaata immikkoortukkaarlugu annertusarneqarnera.</p> <p>10) Sumiiffiup ilaani pineqartumi aalajangersakkat immikkut ittut, nuna tamakkerlugu soqutigisat qulakkeerneqarnissaat siunertaralugu Naalakkersuisunit aalajangersarneqarsimasut.</p> <p><i>Imm. 2.</i> Imm. 1 naapertorlugu aalajangersakkani pingaarnerni kommunip suliassanik naammassinninnissaanut kommunalbestyrelsip saniatigut oqartussaasunit allanit suliniutit</p>	<p>6) Qaartartuusiviit, tankeqarfiit, mittarfeqarfiit, imermik katersuiveqarfiit, nalunaarasuartaaserisoqarfiit aamma nunaminertat ikuallattoqartillugu annaassiniarnermut atorneqartartut il.il. eqqaanni isumannaallisaanermut killeqarfiit.</p> <p>7) Sumiiffiit ilaasa angallannikkut sullinneqarnerat aamma pilersuinerlut atortut inissisimaffii, taakkununnga ilanngullugit aqqusineqarfiit aqqusersuutinullu ikkuffiit.</p> <p>8) Sumiiffiup ilaani illoqarfimmik nutarterineq isaterinerlu.</p> <p>9) Sumiiffiup ilaata immikkoortukkaarlugu inerisarneqarnera.</p> <p>10) Sumiiffiup ilaani pineqartumi aalajangersakkat immikkut ittut, nuna tamakkerlugu soqutigisat qulakkeerneqarnissaat siunertaralugu Naalakkersuisunit aalajangersarneqarsimasut.</p> <p>11) Sumiiffiup ilaani nunaminertat atorneqanngitsut suliniutissanut qinnuteqarfioqqusaanngitsut.</p> <p><i>Imm. 2.</i> Imm. 1 naapertorlugu tunngavissatut aalajangersakkani pingaarnerni kommunip suliassanik naammassinninnissaanut kommunalbestyrelsip saniatigut oqartussaasunit allanit suliniutit immikkut ittut, akuersissutit, akuersinerit imaluunniit saneqqutsisinnaanermut akuersissutit apeqqutaassanersut nassuiarneqassaaq.”</p>
---	---

<p>immikkut ittut, akuersissutit, akuersinerit imaluunniit saneqqutsisinnaanermut akuersissutit apeqqutaassanersut allanneqassaaq.</p>	
<p><i>Kommunimut pilersaarutit aalajangersakkanut tunngasortaat, aalajangersakkat nassuiaasersukkat</i></p>	<p>18. § 20-p kingorna qulequtaq imatut oqaasertalerneqassaaq: "Kommunalbestyrelsip nunaminertanik atugassiisarnernanut aalajangersakkat"</p>
<p>§ 21. § 14, imm. 3 naapertorlugu aalajangersakkani nassuiaasersukkani pissutsit uku aalajangersaaffigineqarsinnaapput:</p> <ol style="list-style-type: none"> 1) Sanaartukkap inissisimaffia, tassunga ilanngullugu sanaartorfissat aalajangersarneqarnerat. 2) Sanaartukkap silataata isikkua, tassunga ilaatigut ilanngullugit ilusiliinissamut, qaliap ilusissaanut, toqqaviup portussusissaanut, atortunut aamma qalipaammik toqqaanermut aalajangersakkat. 3) Aqqusernit pisuinnaallu aqquserni, aammalu pissutsit allat angallannermut pingaarutillit, taakkununnga ilanngullugit nunaminertanut angallaffiusunut aqcutit aamma angallannerit assigiinngitsut avissaartinneqarnissaat, 4) Sumiiffiup ilaata nunaminertanik sanaartorfiunngitsunik immaqalu sunngiffimmi sammisaqartitsivinnik pilersorneqarnera, 5) Aqqusersuutit inissisimaffiat, taakkununnga ilanngullugit innaallagissamik imermillu pilersuiivit. 6) Ilusiliinissaq, nunaminertanik sanaartorfiunngitsunik atuineq aserfallatsaaliinerlu, nunaminertat sanaartorfiusussaannngitsut tassunga ilanngullugit aamma nunagissaaneq, 	<p>19. § 21 ima oqaasertalerneqassaaq: "§ 21. Nunaminertanik atugassiisarnermut aalajangersakkat § 14, imm. 2, nr. 4-mi taaneqartut kommunimut tamarmiusumut ataatsimut atuuttussanngorlugit aalajangersarneqassapput. Aalajangersakkat nunaannarmut, inoqarfinnut ataasiakkaanut, imaluunniit sumiiffiit ilaannut ataasiakkaanut aalajangersakkanik immikkut ittunik ilaneqarsinnaapput. <i>Imm. 2.</i> Aalajangersakkat makku eqqarsaatigalugit aalajangersarneqassapput: 1) Nunaminertanik atugassinneqarnissamut qinnuteqaatit assigiimmik suliarineqartarnissaasa qulakkeerneqarnissaa. 2) Kommunini pilersaarusiornerni anguniakkat piviusunngortinneqarnissaat. 3) Sanaartorfissagissaanermut aningaasartuutaasinnaasut, kiisalu aningaasaqarnikkut pissutsit allat, illoqarfiup ineriartortinneqarneranut sunniuteqartussat agguarneqarnissaat. <i>Imm 3.</i> Kommunalbestyrelsi § 45a naapertorlugu suliniutissanut qinnuteqartoqarnerani aamma sanaartugassanut sanaartortitsinissanullu pilersaarutini 100 kvadratmeterinik anginerusuni pilersaarutitut takussutissanik 3D-usunik qarasaasiakku suliaasunik sanaartortitsisoq tunniusseqqullugu piumasaqarsinnaavoq."</p>

ungaloqarfiit, naasoqarfinnik
 eriaginnineq kiisalu aqqusinernik
 angallaffiusunillu allanik
 qullilersuineq..

7) Sanaartukkanik pioreersunik
 avatangiisiinillu qaninnerusunik
 allanngutsaaliuineq, taamaalilluni illu
 aatsaat kommunalbestyrelsip
 akuersineratigut isaterneqarsinnaalluni,
 allanngortiterneqarsinnaalluni
 allatulluunniit
 allannguiffigineqarsinnaalluni.

8) Pinngortitamik illersuinissamut
 soqutigisat isumagineqarnissaat, kiisalu
 sumiiffiit nunataasa nalillit
 allanngutsaaliorneqarnissaat.

9) Nunalerinermi soqutigisat
 isumagineqarnissaat, tassunga
 ilanngullugit nunaateqarfiit immikkut
 naleqartitat qulakkeerneqarnissaat.

10) Sanaartukkanik nutaanik
 atuilernissamut sumiiffinni pilersaarutip
 iluaniittuni imaluunniit avataaniittuni
 atortunut ataatsimoorussanut,
 angallavinnut imaluunniit pilersuiner
 teknikkikkut atortoqarfinnut
 attaveqaatinik sanaartorneq
 attaviliinerluunniit.

11) Atortunik ataatsimoorussanik
 sanaartornermut atatillugu
 aningaasaqarnikkut pissutsinik
 iluarsineq, tassunga ilanngullugit
 atuisinnaatitaaffinnik pigisaqartut
 peqatigiiffissaannik pilersitsineq, taakku
 ilaasortaanissamut pisussaaffeqarnerat
 aamma peqatigiiffiup nunaminertanik
 ataatsimoorussanik atortunillu
 ataatsimoorussanik sanaartornermik,
 ingerlatsinermik
 aserfallatsaaliuinermillu
 isumagisaqarnissamut

<p>pisinnaatitaaffeqarnera pisussaaffeqarneralu.</p> <p>12) Avatangiisini nipimik, pujoralammik, tipimik allamillu avatangiisinut ajoqutaasinnaasunik killilersuineq, taakkununnga ilanngullugit nunaminertat illullu sumiiffiit saniliusut eqqarsaatigalugit atorneqarnissaannut killeqarfiliussaasinnaasut.</p> <p>13) Sanaartukkani nutaani sanaartukkanut nukimmik annikitsumik atuisunut kommunalbestyrelsip anguniagassatut aalajangersagaat aalajangersimasut malinneqassasut pillugu piumasaqaat.</p> <p><i>Imm. 2. § 14, imm. 3 naapertorlugu sumiiffiit ilaanni imm. 1-mi taaneqartut saniatigut pissutsinut allanut aalajangersaasoqarsinnaasoq Naalakkersuisut aalajangersinnaavaat.</i></p>	
<p><i>Kommunalbestyrelsit nunaminertanik atugassiisarnerinut aalajangersakkat</i></p>	<p>20. § 21-p kingorna qulequtaq atorunnaassaaq, taarsiullugulu ilanngunneqassaaq: ”Kapitali 5 a <i>Nunap immikkoortuinut pilersaarutit”</i></p>
	<p>21. § 21-p kingorna kapitali 5 a-imi ilanngunneqassaaq: " § 21 a. Kommunalbestyrelsi kapitali 6-imi malittarisassat malillugit nunap immikkoortuinut pilersaarutininik tunniussisinnaavoq. <i>Imm. 2.</i> Nunap immikkoortuinut pilersaarut kommunimi pilersaarummut, nuna tamakkerlugu immikkoortunut pilersaarummut, Naalagaaffiup pilersaarusioneranut imaluunniit pingaarnertigut pilersaarusionut allanut akerliussanngilaq. <i>Imm. 3.</i> Inoqarfinni 500-nik sinnerlugilluunniit innuttalinni nunaminertanik atugassiinissat tunniunneqarnissaat pisinnaassappat nunap immikkoortuanut pilersaarummik suliaqartoqassaaq. <i>Imm. 4.</i> Inoqarfinni 500-t ataallugit innuttalinni nunap immikkoortuinut pilersaarutit suliarinnikkaluarlugit nunaminertanik atugassiissut tunniunneqarsinnaavoq.”</p>

	<p>22. § 21a-p kingorna qulequtaq manna ilanngunneqassaaq: <i>”Nunap immikkoortuinut pilersaarummi aalajangersakkat nassuiaasersukkat”</i></p>
<p>§ 22. Nunaminertanik atugassiisarnermut aalajangersakkat § 14, imm. 2, nr. 4-mi taaneqartut kommunitum tarmiusumut ataatsimut atuuttussanngorlugit aalajangersarneqassapput. Aalajangersakkat nunaannarmut, illoqarfinnut nunaqarfinnulluunniit ataasiakkaanut, imaluunniit sumiiffiit ilaannut ataasiakkaanut aalajangersakkanik immikkut ittunik ilaneqarsinnaapput.</p> <p><i>Imm. 2.</i> Aalajangersakkanik aalajangersaanermi makku eqqarsaatigineqassapput:</p> <ol style="list-style-type: none"> 1) Nunaminertanik atugassinneqarnissamut qinnuteqaatit assigiimmik suliarineqartarnissaasa qulakkeerneqarnissaa. 2) Kommunitum pilersaarutini anguniakkat piviusunngortinneqarnissaat. 3) Sanaartorfissagissaanermut aningaasartuutaasinnaasut, kiisalu aningaasaqarnikkut pissutsit allat, illoqarfiup ineriartortinneqarneranut sunniuteqartussat agguarneqarnissaat. 	<p>23. § 22 imatut oqaasertalerneqassaaq: “ § 22. § 14, imm. 3 malillugu nunap immikkoortuinut pilersaarummi aalajangersakkat nassuiaasersukkat pissutsinut makkununga aalajangersarneqarsinnaapput:</p> <ol style="list-style-type: none"> 1) Sanaartukkap inissisimaffia, tassunga ilanngullugu sanaartorfissat aalajangersarneqarnerat. 2) Sanaartukkap silataata isikkua, tassunga ilaatigut ilanngullugit ilusiliinissamut, qaliap ilusissaanut, toqqaviup portussusissaanut, atortunut aamma qalipaammik toqqaanermut aalajangersakkat. 3) Aqquserngit pisinnaallu aqputaat aammalu pissutsit allat angallanermut pingaarutillit, taakkununga ilanngullugit nunaminertanut angallaffiusunut aqputit aamma angallannerit assigiinngitsut avissaartinneqarnissaat. 4) Sumiiffiup ilaani nunaminertat sanaartorfiusussaangitsut aamma pisariaqarpat sunngiffimmut tunngatillugu sanaartornerit. 5) Aqqusersuutit inissisimaffiat, taakkununga ilanngullugit innaallagissamik imermillu pilersuinerit. 6) Ilusiliinissaq, nunaminertanik sanaartorfiumngitsunik atuineq aserfallatsaaliinerlu, nunaminertat sanaartorfineqarsimanngitsut ilanngullugit, tassunga ilanngullugit aamma nunagissaaneq, ungaloqarfiit, naasoqarfinnik eriaginninneq kiisalu aqqusinernik angallaffiusunillu allanik qullilersuineq. 7) Sanaartukkanik pioreersunik avatangiisiinillu qaninnerusunik allanngutsaaliuineq, taamaalilluni illu aatsaat kommunalbestyrelsip akuersineratigut isaterneqarsinnaalluni, allanngortiterneqarsinnaalluni allatulluunniit allannguiffineqarsinnaalluni. 8) Pinngortitamik illersuinissamut soqutigisat isumagineqarnissaat kiisalu sumiiffiit nunataasa nalillit allanngutsaaliorneqarnissaat. 9) Nunalerinermi soqutigisat isumagineqarnissaat, tassunga ilanngullugit nunaateqarfiit immikkut naleqartitit qularnaarnissaat. 10) Sanaartukkanik nutaanik atuilernissamut sumiiffinni pilersaarutip iluaniittuni imaluunniit avataaniittuni atortunut ataatsimoorussanut, angallavinnut imaluunniit pilersuineri teknikkut

	<p>atortoqarfinnut attaveqaatinik sanaartorneq attaviliinerluunniit.</p> <p>11) Sanaartukkanik ataatsimoorussanik sanaartornermut atatillugu aningaasaqarnikkut pissutsinik iluarsineq, tassunga ilanngullugit atuisinnaatitaaffinnik pigisaqartut peqatigiiffissaannik pilersitsineq, taakku ilaasortaanissamut pisussaaffeqarnerat aamma peqatigiiffiup nunaminertanik ataatsimoorussanik atortunillu ataatsimoorussanik sanaartornermik, ingerlatsinermik aserfallatsaaliuinermillu isumagisaqarnissamut pisinnaatitaaffeqarnera pisussaaffeqarneralu.</p> <p>12) Avatangiisini nipimik, pujoralammik, tipimik allamillu avatangiisinut ajoqutaasinnaasunik killilersuineq, taakkununga ilanngullugit nunaminertat illullu sumiiffiit saniliusut eqqarsaatigalugit atorneqarnissaannut killeqarfiliussaasinnaasut.</p> <p>13) Sanaartukkani nutaani sanaartukkanut nukimmik annikitsumik atuisunut kommunalbestyrelsip anguniagassatut aalajangersagaat aalajangersimasut malinneqarnissaat pillugu piumasaqaat. Sanaartornissamut malittarisassani minnerpaaffiliinissamut piumasaqaat eqqortinneqassaaq.</p> <p>14) Sumiiffiit ilaanni inissiat tamarmiusut procentiisa aalajangersimasut ilaat nalinginnaasumik inissiaanissaannut imaluunniit sanaartorfissanut attuumassuteqarlutik piumasarineqartut aalajangersaaffiginissaannut piumasaqaat.</p> <p>15) Pakkersimaarinninnissamut iliuusissat pilersinnissaat siunertaralugu sumiiffiit qarsutsisoqarnissaanut imaluunniit aseroriartortoqarnissaanut ulorianartorsiortut toqqartarnissaat.</p> <p>16) Suliniutissanut piujuartitsilluni ineriartortoqarnissaanut qulakkeerinnittunut iluaqutaasussanullu piumasaqarneq.</p> <p><i>Imm. 2. § 14, imm. 3 malillugu sumiiffiit ilaannut pissutsinut imm. 1-imi taaneqartunut aalajangersakkanik aalajangersaasoqarnissaa pillugu Naalakkersuisut aalajangersinnaapput.”</i></p>
<p><u>§ 25</u></p> <p><i>Imm. 2. Kommunalbestyrelsip kommunimut pilersaarutip tamanut saqqummiunneqartup assinga ataaseq Naalakkersuisunut aamma oqartussanut</i></p>	<p>24. § 25, imm. 2, ima oqaasertalerneqassaaq:</p> <p><i>" Imm. 2. Kommunalbestyrelsip kommunimut pilersaarutip qarasaasiakkut suliarineqarluni tamanut nalunaarutigineqartup assinga ataaseq Naalakkersuisunut aamma oqartussanut § 23, imm. 6</i></p>

<p>§ 23, imm. 6 malillugu pilersaarutissatut siunnersuutip tamanut saqqummiunneqarnera pillugu allakkatigut nalunaarfigineqarsimasunut nassiutissavaa.</p>	<p>malillugu pilersaarutissatut siunnersuutip tamanut nalunaarutigineqarnera pillugu allakkatigut nalunaarfigineqarsimasunut nassiutissavaa.”</p>
<p><u>§ 25</u> <i>Imm. 3.</i> Kommunimut pilersaarut tamanut saqqummiunneqartoq kommunip qarasaasiaq atorlugu, nunami sumiiffinnut tamanut paasissutissanik katersuiffimmut, tak. § 5, imm. 2, ilanngutissavaa, taamaalilluni kikkunnit tamanit pissarsiarineqarsinnaassalluni.</p>	<p>25. § 25, imm. 3, imatut oqaasertalerneqassaaq: ” <i>Imm. 3.</i> Kommunip kommunimut pilersaarut saqqummiunneqartoq § 5, imm. 3 malillugu qarasaasiakkut nunami sumiiffinnut paasissutissaasivimmud ikkutissavaa, taamaalilluni taanna tamanit pissarsiarineqarsinnaassalluni.”</p>
<p><u>§ 27</u> <i>Imm. 2.</i> Nuna tamakkerlugu pilersaarusernerup aamma kommunimut pilersaarutip naammassineqarnissaata qularnaarneqarnissaa pisariaqarpat, kommunalbestyrelsi § 14, imm. 3 malillugu sumiiffiup ilaanut aalajangersimasumut aalajangersagaliortitsissaaq. <i>Imm. 3.</i> Illuliortiternissanut sanaartornissanulluunniit annertuunut imaluunniit pingaarutilin-nut nunaminertamik atuinissamik akuersissummik tunniussinnginnermi aammalu ineqarfin-nik annertuunik pingaarutilinnilluunniit isaterilinnginnermi, sumiiffiup ilaani aalajangersima-sumi nunaminertanik atuinermut illuliortiternermullu maleruagassiisunik sukumiisunik aalaja-ngersagaqarnissaa, tak. § 14, imm. 3, kommunalbestyrelsip isumannaassavaa..</p>	<p>26. § 27, imm. 2 aamma 3 ima oqaasertalerneqassapput: " <i>Imm. 2.</i> Nuna tamakkerlugu pilersaarusernerup aamma kommunimut pilersaarutip naammassineqarnissaata qularnaarneqarnissaa pisariaqarpat, kommunalbestyrelsi § 14, imm. 3 malillugu sumiiffiup ilaanut nunap immikkoortuanut pilersaarummut aalajangersakkanik nassuiaasersukkanik saqqummiussaqaassaaq. <i>Imm. 3.</i> Illuliortiternissanut sanaartornissanulluunniit annertuunut imaluunniit pingaarutilinnut nunaminertamik atuinissamik akuersissummik tunniussinnginnermi aammalu ineqarfinnik annertuunik pingaarutilinnilluunniit isaterilinnginnermi, sumiiffiup ilaani aalajangersimasumi nunaminertanik atuinermut illuliortiternermullu pilersaarummut aalajangersakkanik nassuiaasersukkanik aalajangersagaqarnissaa, takuuk § 14, imm. 3, kommunalbestyrelsip isumannaassavaa.”</p>
	<p>27. § 34, imm. 2-p kingorna immikkoortutut nutaatut ilanngunneqassaaq:</p>

	<p>" <i>Imm.</i> 3. Periusissatut siunnersuut imm. 1-imi taaneqartoq piujuartitsilluni ineriartornerup qanoq isilluni kommunip pilersaarutaani piviusunngortinneqarsinnaaneranut paasissutissanik imaqassaaq."</p>
	<p>28. Kapitali 8-mi kapitalip qulequtaata "Nunaminertanik atugassiisarneq"-p kingorna immikkoortup qulequtaatut nutaatut ilanngunneqassaaq: "<i>Nassuiaatit</i>"</p>
	<p style="text-align: right;">29.</p> <p>3. § 36-ip kingorna kapitali 8-mi ilanngunneqassaaq: ” § 36 a. Nunaminertanik atugassiisarneq illuutit aalajangigaasut imaluunniit sanaartukkat sananissaannut, allannngortinnissaannut imaluunniit isaternissaannut imaluunniit tamakku atornissaannut nunaminertamik atuisinnaanermut pisinnaatitaaffiuvoq. <i>Imm.</i> 2. Nunaminertanut akuersissutit nunaminertanut sanaartukkanut aalajangigaanngitsunut, illuutitut atortunullu nunaminertanut atuinissanut pisinnaatitaaffiupput. Nunaminertanut akuersissutit assersuutigalugu containerip toqqortarinissaanut, angallammik ukiuunerani inissiinermut il.il. tunniunneqartarput. <i>Imm.</i> 3. Sanaartorfissaq kommunimi imaluunniit nunap immikkoortuanut pilersaarummi nunaminertamik atugassiinissaq pillugu qinnuteqarfiusinnaasumi nunaminertaavoq killeqartitaq. Sanaartorfiusussat illuutip siunissami sumut atorneqarnissaanut takutitsiffiussapput.</p> <p>§ 36 b. Nunaminertanik atugassiisarnerit atugassiinermi tamakku illuutitut sanaartukkanullu utaqqiisaasutut isikkulinnut nalunaarutigineqarsimannngitsutut isikkoqarsimappata ataavartuussapput, tassalu nunaminertanut oqartussaq piffissami killeqartumi nunaminertanik atugassiinissamut nalunaaruteqarsimatillugu. <i>Imm.</i> 2. Nunaminertanik atugassiisarnerit ukiut 5-it tikillugit killeqartinneqarput, ukiullu 5-it angullugit sivitsuiffigineqarsinnaallutik. Nunaminertanik inuussutissarsiornermi atugassamik ilaqartumik</p>

	<p>atugassiinermi ukiut tallimakkaarlugit sivitsuisarnissaq piumasaqaataanngilaq.</p> <p><i>Imm. 3.</i> Nunaminertanik atugassiisarneq pilersaarummi tunngavigineqartumi imaluunniit nunaminertamut pineqartumut nunaminertamik atugassiinissami allanngornerit kingunerisaannik sivikinnerpaamik qaammatinik 3-nik piffissaliinikkut utertinneqarsinnaavoq.</p> <p>§ 36 c. Nunaminertanik atugassiinerit nunaminertanik atugassiinertut pingaarnertut nunaminertanik atugassiinerit nunaminertanullu akuersissutit allat atasut ilaatillugit nalunaarutigineqassapput.”</p>
<p><u>§ 38</u></p> <p><i>Imm. 4.</i> Sanaartugassanut inatsisit aamma nuna tamakkerlugu pilersaarusiornermut malitassiat il.il. naapertorlugit nunaminertanik atuinissamut akuersissutit Naalakkersuisunit tunniunneqarsinnaapput.</p>	<p>30. § 38, imm. 4, ima oqaasertalerneqassapput:</p> <p>" <i>Imm. 4.</i> Nuna tamakkerlugu pilersaarutitut najoqqutassaq allallu naapertorlugit akuersissut Naalakkersuisunit tunniunneqarsinnaavoq.”</p>
	<p>31. § 38-mi imm. 5-itut ilanngunneqassaaq:</p> <p>" <i>Imm. 5.</i> Naalakkersuisut kommunalbestyrelsip nunaminertanik aqutsinera pillugu malittarisassanik sukumiinerusunik aalajangersaasinnaapput.”</p>
<p>§ 40. Nunaminertamik atugassinneqarnissamik qinnuteqaat kommunimi pineqartumi kommunalbestyrelsimut nassiunneqassaaq.</p> <p><i>Imm. 2.</i> Nunaminertanut kommunit aggornerisa avataanniittunut tunngatillugu, nunaminertamik atugassinneqarnissamik qinnuteqaat Naalakkersuisunut nassiunneqassaaq.</p>	<p>32. § 40 ima oqaasertalerneqassaaq:</p> <p>“ § 40. Nunaminertanik atugassiisarneq pillugu qarasaasiakkut nunami sumiiffinnut paasissutissiivimmi, takuuk § 5, imm. 3 nunaminertamik qinnuteqarnertut ilitsersuut aqutugalugu qarasaasiakkut pisinnaapput.</p> <p><i>Imm. 2.</i> Qinnuteqaatip ilusissaa imarisassaalu pillugit malittarisassanik sukumiinerusunik Naalakkersuisut aalajangersaasinnaapput.”</p>
<p><u>§ 42</u></p> <p><i>Imm. 2.</i> Qinnuteqaatigineqartoq sumiiffiup ilaanut aalajangersakkanut</p>	<p>33. § 42, imm. 2, ima oqaasertalerneqassaaq:</p> <p>" <i>Imm. 2.</i> Qinnuteqaatigineqartoq sumiiffiup ilaanut nunap immikkoortuanut aalajangersakkanut</p>

<p>sukumiisunut naapertuuppat, imm. 1 naapertorlugu tamanut saqqummiussinissamik piumasagaat saneqqunneqarsinnaavoq.</p>	<p>pingaarnernut atuuttunut naapertuussimappat imm. 1 naapertorlugu tamanut saqqummiussinissamik piumasagaat saneqqunneqarsinnaavoq.”</p>
	<p>34. § 45-mi imm. 5-itut ilanngunneqassaaq: ” <i>Imm. 5.</i> § 41 naapertorlugu sanaartorfissanik nalunaaruteqarnermi nunaminertaq qinnuteqartumut qaammatini arfinilinni kommunalbestyrelsimit immikkoortinneqarsinnaavoq. Sanaartorfissanik nunaminertanut immikkoortitsinerit sivitsuiffigineqarsinnaanngillat.”</p>
	<p>35. § 45a-mi imm. 8-9-tut ilanngunneqassapput: ” <i>Imm. 8.</i> Kommunalbestyrelsip sumiiffiup ilaanut atuisinnaanermut pisinnaatitaaffik qinnuteqartumut immikkoortissinnaanngilaa, matumani tamanna sioqqullugu kommunip qinnuteqartullu akornanni attartornissamut pisinissamulluunniit isumaqatigiisummik sumiiffiup ilaanut tunngasumut atsiortoqarsimanngippat. ” <i>Imm. 9.</i> Suliniutissamut pilersaarut taamaallaat piffinnut atuuttunik nunaminertanut pisinnaatitaaffigineqanngitsunut atuisinnaanermullu pisinnaatitaaffigineqanngitsunullu tunngasinnaavoq.”</p>
<p>§ 48. Nunaminertanut oqartussaasoq pisussaavoq, nunaminertat atugassanngortinneqartut nutaat NIN-imi – Kalaallit Nunaanni Nunaminertanut nalunaarsuiffimmi – nalunaarsussallugit. <i>Imm. 2.</i> Nunaminertanut oqartussaasoq pisussaavoq, kommunimi nunaminertanut atuisinnaatitaaffiit atuuttut tamakkerlugit allattuiffimmik ataatsimoortumik suliaqartoqarnerani, illoqarfinni nunaqarfinnilu pisinnaatitaaffiit atuuttut misissussallugit iluarsaatissallugillu.</p>	<p>36. § 48 ima oqaasertalerneqassaaq: ” § 48. Nunaminertanik atugassiinerit, nunaminertanut akuersissut atuinissamullu pisinnaatitaaffiit nutaat qarasaasiakkut nunami sumiiffinnut paasissutissivimmi, takuuk § 5, imm. 3, nalunaarsussallugit nunaminertanut oqartussa q pisussaaffeqarpoq. <i>Imm. 2.</i> Inoqarfinni pisinnaatitaaffiit pioreersut misitsuiffigissallugit nalunaarsussallugillu nunaminertanut oqartussa q pisussaaffeqarpoq, taamaasilluni nunaminertanik atugassiinerit eqqortumik nalunaarsorneqassammata aammalu kommunimi nunaminertanut pisinnaatitaaffinnut atuuttunut ataatsimut takussutissaqarnissaq isumagineqarsinnaassammat. <i>Imm. 3.</i> Naalakkersuisut nunaminertat atuinissamullu pisinnaatitaaffiit nalunaarsortarnissaat pillugit malittarisassanik sukumiinerusunik aalajangersaasannaapput.”</p>

<p><u>§ 50</u></p> <p>Immikkut ittumik akuersineq sumiiffiup ilaanut aalajangersimasumut kommunimut pilersaarummi aalajangersakkat tunngaviinut akerliunngippat, sumiiffiup ilaanut aalajangersi-masumut aalajangersakkat sukumiisut, tak. § 14, imm. 3, saneqqunneqarnissaannut immikkut ittumik akuersissuteqarnerit kommunalbestyrelsimit nalunaarutigineqarsinnaapput.</p> <p><i>Imm. 2.</i> Sumiiffiup ilaanut aalajangersimasumut aalajangersagaq, Namminersorlutik Oqartussani naalagaaffimmiluunniit oqartussaasumik isumaqatigiissuteqarnikkut aalajangersarneqarsimasoq, aatsaat oqartussaasup pineqartup akuersineratigut saneqqunneqarsinnaavoq.</p> <p><i>Imm. 3.</i> Sumiiffiup ilaanut aalajangersakkanit atuuttunit annertunerusunik nikingassuteqartitsinerit, sumiiffiup ilaanut pineqartumut aalajangersakkanik nutaanik pilersitsinikkut aatsaat pisinnaapput.</p>	<p>37. § 50, imm. 1-3-mi ima oqaasertaliisoqassaaq: “ Immikkut akuersissuteqarnek sumiiffiup ilaanut aalajangersimasumut kommunimut pilersaarummi aalajangersakkat tunngaviinut akerliunngippat, sumiiffiup ilaanut aalajangersimasumut aalajangersakkat sukumiisut, takuuk § 14, imm. 3, saneqqunneqarnissaannut immikkut akuersissuteqarnerit kommunalbestyrelsimit nalunaarutigineqarsinnaapput.</p> <p><i>Imm. 2.</i> Sumiiffiup ilaanut tunngaviusumik aalajangersagaq pingarneq, tassani imaritinneqartut Namminersorlutik Oqartussani naalagaaffimmiluunniit oqartussaasumik isumaqatigiissuteqarnikkut aalajangersarneqarsimatillugit, aatsaat oqartussaasup pineqartup akuersineratigut saneqqunneqarsinnaavoq.</p> <p><i>Imm. 3.</i> Sumiiffiup ilaanut aalajangersakkanut atuuttunut nikinganerit ingerlaqqittut sumiiffiup ilaanut pineqartumut tunngaviusumik aalajangersakkat pingarnerit nutaat aalajangersaaffiginerisigut kommunimut pilersaarummut ilassutip nutaap pigilerneratigut aatsaat suliarineqarsinnaapput.”</p>
<p><u>§ 54</u></p> <p>Nunaminertamik atugassinneqarnissamik qinnuteqaatinut atatillugu suliaqarnissamut akitsuutininik kommunalbestyrelsi kommunimi malittarisassani aalajangersaasinnaavoq akiliisitsisinnaallunilu.</p>	<p>38. § 54, imm. 1 ima oqaasertalerneqassaaq: Kommunalbestyrelsi nunaminertanik atugassiisarneq, nunaminertamik akuersineq pillugu qinnuteqaatinut aamma suliniutissanut qinnuteqaatinut atatillugu sulianik suliarinninnermut akiliutissanut kommunit ileqqoreqqusaat aqutugalugu aalajangersaasinnaavoq akiliisitsiniarsinnaallunilu.”</p>
<p><u>§ 56</u></p> <p><i>Imm. 5.</i> Kommunalbestyrelsip akuersissutaanik tigusisoq naammagittaalliorqarneranik</p>	<p>39. § 56, imm. 5, ima oqaasertalerneqassaaq: ” <i>Imm. 5.</i> Naalakkersuisut aalajangiineri aalajangiinerit tamanut saqqummiunneqarnerisa kingorna qaammatit 6-it qaangertinnagit Kalaallit</p>

pilersaarutitut aamma nunaminertanut naammagittaalliuuteqartarfimmit nalunaarfigineqassaaq.	Nunaanni Eqqartuussivimmut oqartussatut siulliusumut suliassanngortinneqarsinnaapput.”
	§ 2 Inatsisartut Inatsisaat ullormi 1. januar 2024 atuutilissaaq.

Tusarniaanermut allakkiaq

Tusarniaanermut killiliussap qaangiunnerani ukunangga tusarniaanermut akissutinik tigusaqartoqarpoq: Avannaata Kommunia, Geodatastyrelsen, Kommuneqarfik Sermersooq, Forsvarets Ejendomsstyrelse, Arkitekt Thomas Riis ApS, Meeqqanut, Inuusuttunut Ilaqutariinnullu Naalackersuisoqarfik, Ineqarnermut Attaveqarnermullu Naalackersuisoqarfik, Kommune Qeqertalik, Sulisitsisut, Qeqqata Kommunia kiisalu Nunalerinermut, Imminut pilersornermut, Nukissiuutinut Avatangiisinullu Naalackersuisoqarfik.

Tulliuttuni avataanut tusarniaanermut akissutit tiguneqartut suliarineqarput. Tusarniaanermut akissutit naapertuuffinik naliliineq tunngavigalugu pingaarnersiugaanerata maluginiaqquneqarpoq.

Tusarniaanermut akissutit naapertuuffii malillugit ilanngunneqarput.

Tusarniaanermut akissutinut oqaatigisat *uingasunngorlugit* allanneqarput.

Geodatastyrelsen, Forsvarets Ejendomsstyrelse, Meeqqanut, Inuusuttunut Ilaqutariinnullu Naalackersuisoqarfik kiisalu Ineqarnermut Attaveqarnermullu Naalackersuisoqarfik inatsisissatut siunnersuummut oqaatigisassaqaqngillat.

Inatsisissatut siunnersuut ataatsimut isigalugu tusarniaaffigineqartunit isumaqatigineqarpoq.

Avannaata Kommunia:

Avannaata Kommuniata oqaaseq “geografi” inatsisip oqaasertaani nassuiarneqannginnera maluginiarpaq, taakkulu killineqarnerisa qulaajarnissaat kissaatigalugu.

Siunnersuut ilanngunneqarpoq. Nassuiaatinut nunap assinganik ilanngussisoqarpoq.

Avannaata Kommuniata immikkoortut ilaasa avataanni nunaminertat qanoq passunneqarnissaat erseqqissartikkumavaa, ingammik kommunip killeqarfiata iluani sersersuarmiittut, taamaattoq immikkoortut nunamiittut piusut avataanniittut.

Inatsisissaatut siunnersuummi uani kommuni suli kommunip nunataa tamakkerlugi nunaminertanut tamanut oqartussaasuupput, tassa 3 s̆milimik killeqarfinniit sersersuarmi kommunip killinga tikillugu. Sersersuarmi kommunip nunataanut aqutsinermi periutsit atuuttut inatsisissatut siunnersuutikkut attorneqanngillat. Tigussaasutulli isigalugit sersersuarmiinneq sinerissamiluunniit nunaannarmiinneq annertoorujussuarmiik assigiinngissuteqarput. Nunaminertat taakku passunneqarnerannik erseqqissaaneq, nunaminertanik aqutsinermut ilitsersuusiassami ersarinnerusumik takuneqarsinnaassaaq.

Avannaata Kommuniata § 14 a-p, nunaminertanut akuersissutit immikkoortunut ataqatigiissumik pilersaarutit iluanni tunniunneqarnerata erseqqissarneqarnissaa kissaatigaa.

Siunnersuut ilanngunneqarpoq. ataqatigiissut iluanni nunaminertanut akuersissutinik tunniussisinnaasoqartariaqarpoq.

Avannaata kommuniata § 20-mut pingaarnertut aalajangersakkat ilaattut erngup tasermeersup qeriuannartumeersullu passunneqarnissaanut immikkoortumik ilassusiinissaq apeqqutigaa.

Siunnersuut ilanngunneqanngilaq. Sammisanut takussutissiivimmi pingaarnertut aalajangersakkani erngup tasermeersup qeriuannartumeersullu immikkut immikkoortunngortinnissaat annertuumik suliaanissaa kommuninillu tamanik oqaloqatiginninnissamik pisariaqartitsinissaa naliliutaavoq. Siunnersuut tamatumunnga taarsiullugu siunissami pilersaarusiornermut inatsisissamut kissaatitit ilaatinneqarsinnaassaaq.

Avannaata Kommuniata § 21, imm. 3-p allannngortinnissaa kissaatigaa, taamaaliornikkut 3D-nik ilusilersuineramik pisariaqartitsinerit eqqarsaatigalugit kvadratmeterit ilaajunnaartariaqarlutik, taamaattullu suliniutini mikisuni annertuunilu iluaqutaasinnaapput.

Siunnersuut ilanngunneqanngilaq. Nunaminertanut qinnuteqarnermut atatillugu 3D-modelinik tunniussisussaataanerup ammut killingata erseqqissumik aalajangersarsimanissaa naapertuuttutut isigineqarpoq, taamaalillunilu nunaminertanik suliani tamani tamanna kommuninut nalilersugaatissanagu. Suliniutini nunaminertanilluunniit qinnuteqaatini annikinnerusuni kommunip nammineq qinnuteqartup nunaminertamik qinnuteqaataata 3D-mik takusassiarinissaa nammineq aalajangissavaa.

Avannaata kommuniata § 22-mi taserni imermut nunamullu qeriuannartumut immikkoortut ilaneqarnissaa kiisalu immikkoortoq 16-ip immikkoortoq 18-imi piffimmi pilersaarummi aalajangersakkani sukumiisunut inissinneqarnissaa siunnersuutigaa.

Siunnersuut ilanngunneqanngilaq. Immikkoortoq 16-imi piujuartitsisumik ineriartornermut suliniutit allamut inissinneqanngilaq. Taserni imeq qeriuannartumullu kommunip tusarniaanermut akissutaanut oqaaseqaatit siulianiittut takukkit.

Avannaata Kommuniata § 36a, imm. 3-mi oqaasertat “Sanaartorfiusussat illuutip siunissami sumut atorineqarnissaanut takutitsiffiussapput” allannngortinneqarnissaa siunnersuutigaa, taamaalilluni oqaasertat imaalissallutik: ” Sanaartorfiusussat illuutip siunissami qanoq annertunerpaaffeqarsinnaaneranik takutitsiffiussapput”.

Siunnersuut ilanngunneqanngilaq. Sanaartorfissat eqqornerpaamik annertussusissanik takutitsisuunissaat anguniarneqartariaqartoq naliliutaavoq, taamaattoqanngippammi pilersaarutissatut siunnersuutip nutaap illutatigut kinguneqaatai innuttaasunut nalileruminaatsorujussuannorsinnaapput.

Avannaata Kommuniata § 36 b-mut “piffissamik killilikkamik nunaminertamut akuersissut” atorngagu “ilimagisamik nunaminertamik atugassineq” maluginiarpa.

Illuutinut atortuutinullu ataavartunut nunaminertanik atugassannngortitsinerit § 36 b-mi nassuiarneqartutut pisut ilaanni piffissami killiersimasinnaapput. Nunaminertanik aqutsinermi ilitsersuutissami tamanna assersuutit arlallit atorlugit itisililerneqassaaq.

Pisut ilaanni qaammatinik 3-nik siumoortumik kalerriisarnermi pilertornerusumik nunaminertanik akuersissutit utertinneqarsinnaasariaqarnerat Avannaata Kommuniata oqaatigaa.

Siunnersuut ilanngunneqanngilaq. Naak nunaminertanut akuersissutit atuuttuurtuunngikkaluartut, taamaattoq nunaminertamik atuigallarnissamut aningaasarpasuit atorineqarsimasinnaasarpur. Taamaammat nunaminertamik atuisinnaanermik akuersissutit utertinneqarnissaannut naapertuuttunik sinaakkuteqartitsisoqartariaqarpoq, uanilu piffissaq qaammatinit pingasunit sivikinnerusooq naapertuuttuussanngilaq.

Avannaata Kommuniata kapitali 8-mi nunaminertanut akuersissutinut piunasaqaatit aamma suut atuutsinneqarneranut itisiliineq amigaataasooq oqaatigaa.

Siunnersuut ilanngunneqanngilaq. Nunaminertamik atuinissamut piunasaqaatit il.il. siunissami inatsimmik allannguisinnaanermut atatillugu nutarterneqassapput.

Avannaata Kommuniata § 45, imm. 9-mut tunngatillugu “nunaminertanut atuuttunik pisinnaatitaaffigineqanngitsunut atuisinnaanermullu pisinnaatitaaffigineqanngitsu-nullu tunngasinnaavoq” aamma kuuffissuarnut innaallagissallu aqputaanut atuunnersooq maluginiarpaa?

Tunngaviusumik kuuffissuit innaallagissallu aqputai aamma aalajangersakkamut ilaassapput. Taamaattoq suliniutinut qinnuteqaatinut atatillugu kuuffissuarnut innaallagissamullu aqputinik allanngortitsinissaq pisinnaanera immikkut nalilerneqassaaq, tamannalu amerlanertigut pisarunarpooq. Suliniummut qinnuteqaammut atatillugu sanaartortitsisoq pingaarnertut piffimmik immikkoortumik pineqartumik sanaartorfigissaanermik isumaginnittuussaaq. Kuuffissuit innaallagissallu aqputai taamaalillutik suliniutissatut siunnersuutip itigartitsissutigineqarsinnaaneranut pingaarutilimmik tunngavissaassanngitsut naliliutaavoq.

Avataata Kommuniata § 50, imm. 3-mut tunngatillugu “kommunimut pilersaarummut tapiliut” pinnagu “piffimmut pilersaarut” allanneqartariaqartoq oqaatigaa.

Siunnersuut ilanngunneqanngilaq. Ingerlaqqittunik allannguutit sinaakkutitut aalajangersakkanut nutaanut, kommunimut pilersaarummut tapiliummi nutaami aalajangersarneqartussamik pilersaarusiortussaataanermik nassataqassapput.

Kommuneqarfik Sermersooq:

Kommuneqarfik Sermersooq marloqiusamik nunaminertanut allattuffiup kommuninut allaffissornerunermik malitseqassanngitsoq isumaqarpoq.

Kommuni eqqortumik paasinnippoq.

Kommuneqarfik Sermersuup nassuiaammi nr. 6-imi (§ 5) taamaallaat nuna tamakkerlugu immikkoortumut pilersaarutit pineqarnerat, taamaalillunilu kommunit immikkoortunut pilersaarutaat pineqannginnerat erseqqissarneqassasooq kissaatigaa.

Siunnersuut ilanngunneqanngilaq. Inatsimmik nutaamik tigussaasunik immikkoortunik pilersaarutitut aalajangersakkanik imaqartumik suliaqarnissamut tunngavissami aamma kommunit immikkoortunut pilersaarutaat ilaapput.

Kommuneqarfik Sermersuup nr. 16-imut (§ 20, imm. 4) nassuiaatini oqaatsip initussuseq sinneruttup erseqqissarneqarnissaa kissaatigaa.

Siunnersuut ilanngunneqanngilaq. Initussuseq sinneruttoq tigussaasunik pilersaarusiornermi oqaatsitut sakkutullu kommuninut piffinnilu pilersaarusiornermut ilitersuutissami itisilerneqassaaq.

Kommuneqarfik Sermersuup inoqarfinni 500-t sinnerlugit inulinni nunaminertamik atuinissamik akuersissummik piffimmi pilersaarutitaqanngitsumik tunniussisinnaanermut periarfissaq apeqqutigaa, tassani qinnuteqaatip sinaakutissatut aalajangersakkanut naapertuunna tunngavissaatillugu. Innuttaasut isumannaarniarlugit qinnuteqaatip akuersissummik tunniussivigineqarnera sioqqullugu piffimmi/sanilinit tusarniaassutigineqaaqassaaq.

Siunnersuut ilanngunneqanngilaq. Inoqarfinnut 500-t sinnerlugit innuttaqartunut innuttaasut inatsisitigut illersugaanerat qanimullu oqartussaaqataaneq eqqarsaatigalugu, nunaminertamik atuinissamik akuersissummik tunniussinermi piffimmut pilersaarummik suliaqarnissamik piumasaqaatip attannissaa pisariaqartoq naliliutaavoq.

Ukiut 5-ikkaarlugit illuutitut inuussutissarsiornermut atorneqartunut atatillugu nunaminertamik atuinissamik akuersissummik tunniussisoqartassappat, tamanna pisariaqanngitsumik allaffissornermik kinguneqassasoq Kommuneqarfik Sermersuup oqaatigaa. Ullumikkut nunaminertat inuussutissarsiutitut atorneqartut, inuussutissarsiummut pineqartumut atasumik inissiivissanik pisariaqartitsineq qulakkeerniarlugu, sanaartorfinnit nunaminertanit anginerusarnera nalinginnaasumik periusaavoq. Inuussutissarsiornermut atugassanut nunaminertanut atatillugu immikkut aalajangersagaliortoqarnissaa ingerlatsiviup siunnersuutigaa.

Siunnersuut ilanngunneqarpoq, inuussutissarsiornermullu atugassanik nunaminertanik akuersissutitut immikkut aalajangersakkat atulersinneqarput, taamaalilluni ukiut 5-ikkaarlugit qinnuteqaqittoqartariaarullugu.

Kommuneqarfik Sermersuup qarasaasiakkut qinnuteqaatinik ingerlatsinermi ilaatitsinngitsoqarnissaa kissaatigaa. Tamanna nunap immikkoortuinik internetikkut naammassinnissinnaassutsip nunap assinginik atortussianik imaqarluarsinnaasunik ingerlatsisinnaanermut naammanginneranik pingaarnertut tunngaveqarpoq. Taamaammallu kommunip innuttaasa ilaat nunaminertanut atugassinneqarnissamut qinnuteqarsinnaanermi periarfissaqannginnerannik inerneqassaaq.

Siunnersuut ilaannakortumik ilanngunneqarpoq. Qinnuteqaat suli nammineq ornigulluni saaffiginninnikkut pappiaranngorluguluunniit tunniunneqarsinnaavoq. Taamatut pisoqarnerani atortorissaarummut paasissutissanik ikkussuineq suliamik ingerlatsisup suliassarissavaa.

§ 54, imm. 1 nunaminertanik atugassanngortitsinermut atatillugu suliarinninnermut akiliisitsisinnaanermik aalajangersaasinnaanermik periarfissiisoq, taamaattoq nunaminertanut akuersissutit ilaatinneqannginnerat Kommuneqarfik Sermersuup maluginiarpaa. Kommuneqarfik Sermersuup nunaminertanik akuersissutit immikkoortumut ilanngunneqarnissaat kissaatigaa.

Siunnersuut ilanngunneqarpoq. Nunaminertanut akuersissutinik suliarinninnermut atatillugu kommunit suliarinninnermut akiliummik aalajangersaasinnaanerat periarfissaavoq.

Arkitekt Thomas Riis ApS:

Arkitekt Thomas Riis ApS-ip pilersaarusiortarnermut inatsimmi piusumi §§ 23-24 atorunnaarsinneqassanersut apeqqutigaa, taamaalilluni kommunimut pilersaarummut piffimmilu pilersaarummut siunnersuutit akuersissutigineqarnissaat sioqqullugu tamanut tusarniaassutigineqartarunnaassallutik.

Inatsisissatut siunnersuummi uani inatsisissatut siunnersuutip nr. 22-ata nr. 23-atalu akornanni nr. Xx-mik ilisarnaatilimmi inatsisimmi aalajangersakkat siusinnerusukkut iluarsaanneqarneranni titarnertaani ataasiakkani kukkusoqarpoq, taakkulu tamanut tusarniaanermi ilaapput. Titarnertaat taakku inaarutaasumik inatsisit oqaasertaanni peerneqarput. Taamaalilluni inatsisini aalajangersakkat 2-t taakku atorunnaarsinneqanngillat. Kommunimut pilersaarutissamut piffimmilu pilersaarutissamut siunnersuutit taamaalillutik akuerineqarnissaat sioqqullugu suli tamanut tusarniutigineqartussaapput.

§ 36a, imm. 3-mi oqaasertanut “sanaartorfiusussat illuutip siunissami sumut atorneqarnissaanut takutitsiffiussapput” taarsiullugu ”siunissami illutassaq aallaavittut tamakkiisumik ilaannakortumilluunniit sanaatorfissap killingata avataaniissinnaanngilaq” oqaasertalerneqarnissaa Arkitekt Thomas Riis ApS-ip oqaatigaa.

Siunnersuut ilanngunneqanngilaq. Oqaasertaliussassatut siunnersuutigineqartoq innuttaasut sanaartugassap annertussusaanik takorluuisinnaanerannut unammillernartunik aaqqiinngilaq. Sanaartorfissat sanaartugassamut eqqortumik takutitsisussaapput. Avannaata Kommuniata tusarniaanermut akissutaanut oqaatigisat aamma takukkit.

Arkitekt Thomas Riis ApS-ip § 40-mi nunaminertamik atugassanngortitsinermik qinnuteqaammi oqaasertat allanngortinneqarnissaat kaammattuutigaa, taamaalilluni oqaaseq “pissaaq” pinnagu “pissinnaavoq” atorneqassalluni kiisalu “NunaGIS” oqaasertanit peerneqassasoq. Tamanna qinnuteqaatip ornigulluni tunniunneqarsinnaaneranut periarfissap attatiinnarneqarnissaa pillugu.

Siunnersuut ilanngunneqarpoq. Kommuneqarfik Sermersuup tusarniaanermut akissutaanut oqaatigisat innersuussutigineqarput.

Arkitekt Thomas Riis ApS-ip § 50, imm. 1-3 aalajangersakkat ersarluttuunerarpai, piffimmilu pilersaarummi aalajangersakkanit tamanit imaluunniit aalajangersakkanik sukumiisunit immikkut akuersisoqarsinnaanera apeqqutigalugu?

Kommuni suli aalajangersakkanit sukumiisunit tamanit immikkut akuersisinnaanermut periarfissaqarpoq.

Arkitekt Thomas Riis ApS-ip § 50, imm. 1-imi 2-milu pingaarnertut sinaakkutitut aalajangersakkanit immikkut akuersisoqarsinnaanera – taamaattoqarpallu kikkut tusarniaavigineqarnissaat erseqqinngitsoq oqaatigaa?

Kommunit suli pingaarnertut sinaakkutissatut aalajangersakkanut immikkut akuersissuteqarsinnaanngillat.

Arkitekt Thomas Riis ApS-ip § 50, imm. 3-mi “nikinganerit ingerlaqqittut” erseqqinnginnerat, taamatullu immikkut akuersinernut, taakku qanoq innerat apeqqutaatinnagu, atatillugu sanilnik tusarniaanissat piumasaqaataannginnerat ajornartorsiornartuutippaa.

§ 50, imm. 3 naapertorlugu nikingassutit ingerlaqqittut pilersaarummik nutaamik sananissamik nassataqassapput, taamaalillunilu innuttaasut isummaminnik anitsisinnaanerminnut periarfissaqarput.

Kommune Qeqertalik:

Kommune Qeqertaliup kommunit nunaannarmi nunaminertanik akuersissutinik tunisisinnaanera itisiliivigineqassasoq kissaatigaa.

Nunaminertanik akuersissutit nunaannarmi taamatullu aamma inoqarfiup killeqarfiata iluani tunniunneqarsinnaapput.

Kommune Qeqertaliup nunaminertanik oqartussaasup nunaminertanik atugassanik nalunaarsuinermit nutarterinernilu taamatullu aamma tunngaviusumik paasissutissanik programimi aallaaviusumik suliarisamik suliarinnittussaaneermut atatillugu kommunip taarsiivigineqarnissaq ilimagissaneraa apeqqutigaa.

Tunngaviusumik paasissutissanik programimut apeqqutit inatsisissatut siunnersuummut saqqummiunneqartumut attuumassuteqanngillat. Apeqqut tunngaviusumik paasissutissanik programimut oqartussaasumut kiisalu namminersorlutik oqartussat kommunillu ataatsimoortumik tapiissutit pillugit isumaqatiginninniarnannut atatillugu qaqilerneqarsinnaavoq.

§ 54-mi taamaallaat nunaminertanut atugassanngortitsinerit suliniutinullu qinnuteqaatit taamaallaat taaneqarsinnaanerat Kommune Qeqertaliup oqaatigaa.

Siunnersuut ilanngunneqarpoq. Nunaminertamik atuisinnaanermut akuersissutit oqaasertanut ilanngunneqarpoq.

Kommune Qeqertaliup § 56-imut maalaaruteqarnermi suliamik ingerlatsisarnerup erseqqissarneqarnissaa kissaatigaa, tak. § 36.

Piffissamik killiliisoqanngilaq, taamaammallu aalajangikkat tamarmik tunngaviatigut qanoq pisoqaatiginerat apeqqutaatinnagu Kalaallit Nunaanni Eqqartuussivimmut

suliarineqartussanngortinneqarsinnaapput. Naalakkersuisut aalajangigaat (kommunit aalajangigaannik maalaarutininik aalajangiisartumit aalajangigaq) Naalakkersuisut aalajangernerata tamanut nalunaarutigineqarneranit qaammatit arfinillit qaangiutsinnagit Kalaallit Nunaanni Eqqartuussivimmuq suliasanngortinneqarnissaa aalajangersakkami erseqqissarneqarpoq. Aalajangersagaq suliami akuusumut toqqaannartumik nalunaarutigineqassaaq, kingornalu suliaq ulloq tamanut saqqummiussiffimmit qaammatit 6-it iluanni Kalaallit Nunaanni Eqqartuussivimmuq siullermik suliarinnittut suliasanngortinneqarsinnaavoq.

Kommuninut pilersaarummut tapiliussap tamanut saqqummiunneqartarnera pillugu § 36 erseqqissaavigisariaqanngitsoq naliliutaavoq.

Sulisitsisut:

Kommunini pilersaarusernermi sinaakkutit aalajangersakkat siunnersuutikkut ukiunut sisamakkaartunut killilerneqarnerat Sulisitsisut pitsaasutut isigaat. Taamaattoq nassuiaatini nalinginnaasuni qupperneq 6 (qallunaatut) “imaluunniit immikkut kommunimut pilersaarummut tapiliussamik pissarsinermit” ilassutigineqartup pisariaqartumik allannguutinut ukiut sisamat iluanni pisinnaallunilu pisussaaneranut attuumassuteqarnissaa tunngavissaatinneqarpoq.

Marloqiusamik pilersaaruserioriaaseqarnermi pingaarnertut aalajangersakkat ukiut sisamakkaarlugit kommunimut pilersaarummik suliaqarnermut atatillugu suliarineqartassapput. Taamaattoq ineriartornerit suliniutillu tamaasa siumut eqqoriarlugilluunniit pilersaaruseriorneqartarsinnaanngillat, taamaammallu tamatigit kommunimut pilersaarummut nutaamut utaqqisinnaasarnatik. Taama pisoqartillugu kommunimut pilersaarummut tapiliussaq suliarineqartarpoq, ilassullu siuliani taaneqartooq pisariaqartumik allannguutinut taakkununga ukiut sisamat iluanni suliarineqarsinnaallunilu suliarineqartussamut attuumavoq.

Namminersorlutik inuussutissarsiortut kommunip pilersaarutaasa aningasalersuinermit piviusunngortinneqarnerannullu atatillugu sapinngisamik piviusorsiortuunissaannik kissaataannut atatillugu sammiviliinissamut pilersaarutinut Sulisitsisut immikkut soqutigisaqarput, taamaaliornikkut taanna malillugu aningaasalersuinissat pilersaaruseriorneqarsinnaaqqullugit.

Sammivilinnik pilersaaruseriornerup atulerneqarneranut atatillugu kommunimut pilersaarummi pilersaarutit suut piviusorsiortuunerat, siunissamilu qaninnermi nunaminertamik aalajangersimasumik siunissamut inniminniinermik takutitsinerusumik siunissami qaninnermi pilersaaruseriornerissami ersarinnerusussaassapput.

Nunaminertanik atugassanngortitsinerit sapinngisamik kinaassuseriortuunnginnissaat kiisalu kommunini nunaminertanik aqutsinermit suleriaatsit qulaajarneqarlutillu ersarissuunissaat assigiiaartumik tunngavissaqartinneqarnermik aqutsinermillu inerneqartariaqarput.

Inatsisissatut siunnersuummi kommunini nunaminertanik aqutsinermit periutsit assigiisarnissaat, taamatullu kommunip akimorlugit nunaminertanik aqutsinermit ataatsimut

kinaassusersiortuunngitsumillu aalajangersagaqarnissaq pingaaruteqarpoq. Tamanna pigisanut aalajangersimasunut tunngaviusumik paasissutissanik pilersitsinermut tunngavissaatinneqarpoq.

Qeqqata Kommunia:

Suliffeqarnermut tunngatillugu tusarniaanerup inissilluarneruneqarsinnaanera Qeqqata Kommuniata maluginiarpa.

Oqaatigineqartut tusaatissatut tiguneqarput. Tusarniaanermut piffissaliunneqartumi periutsit nalinginnaasut malinneqarput. Ingammillu kommunit inatsisissatut siunnersuummik suliaqarnerup ingerlanerani akuliutsinneqartarnerat oqaatigineqassaaq.

Qeqqata Kommuniata inatsisissatut siunnersuummi nr. 9 malillugu nunap assinganik ilanngussap kingusinnerusukkut nassiunneqarnissaa, tusarniaanerullu sivitsorneqarnissaa kaammattuutigaa.

Avannaata Kommuniata tusarniaanermut akissutaanut oqaatigisat takukkit. Nunap assinga oqaatigisanut taakkununga ilanngunneqarpoq. Tamatuma malitsigisaanik tusarniaanerup sivitsorneqarnissaa pisariaqanngitsoq nalilerneqarpoq.

Qeqqata Kommuniata nunatanut tunngatillugu nunap assinganik ilanngussinissaq ujartorpa.

Avannaata Kommuniata tusarniaanermut akissutaanut oqaatigisat takukkit.

Qeqqata Kommuniata inatsisissatut siunnersuummi nr. 9-mut aamma 10-mut tunngatillugu taaguutit oqaatsillu “piffimmi pilersaarusiortnermi aalajangersakkat sukumiisut” aamma “pingaarnertut sinaakkutinut aalajangersakkat” nassuiarneqarnerunissaat kaammattuutigaa.

Siunnersuut ilanngunneqanngilaq. “Pingaarnertut” aamma “sukumiisut” siusinnerusumi atorneqartut piffiup ilaani aalajangersimasumi aalajangersakkani assigiinngissutsit erseqqissartuarumallugit ingerlateqqinneqarput.

Qeqqata Kommuniata inatsisissatut siunnersuummi nr. 13-mi sanaartukkat pioreersut siunissamilu sanaartugassat assigiinngisitaartinnerisa atulersinnissaat, siunissamilu sanaartugassanut ungasissutsinut piumasaqaatinik suliaqartoqarnissaa siunnersuutigaa.

Siunnersuut ilanngunneqanngilaq. Sanaartukkat pioreersut siunissamilu sanaartugassat assigiinngiiaartinnissaat aalajangersakkap siunertaanut akerliussasoq naliliutaavoq. Aalajangersakkap oqaasertaatigut kommunit ungasissutsinik piumasaqaatinik, naapertuuttut kommunimilu piviusorsioortutut isigisaminnik aalajangersaasinnaanermut annertuumik periarfissinniarneqarput.

Qeqqata Kommuniata inatsisissatut siunnersuummi nr. 20-mi nunaannarmi qaqugukkut nunaminertanik atugassanngortitsisinnaaneq, sioqqutsisumillu piffimmi pilersaarummik suliaqartoqaaqaartassanera erseqqinngitsoq oqaatigaa?

2011-mi kommunit nunaannarmi nunaminertanik aqutsinermut akisussaaffik tiguaat. Inatsisissatut siunnersuut nunaannarmi nunaminertanik atugassanngortitsinermi akuersissutinik aqutsinermi periutsinik allannguinnigilaq.

Qeqqata Kommuniata inatsisissatut siunnersuummi nr. 23-mut 24-mullu tunngatillugu kommunit kommunimut pilersaarutininik piffimmilu pilersaarutininik qarasaasiakkut PDF-inngorlugit oqartussamut akisussaasumut nassitsisarnissaa kaammattuutigaa.

Siunnersuut ilanngunneqanngilaq. Immikkoortunut soqutigisanut sinaakkutitut aalajangersakkat atuumassuteqartuunerat naliliutaavoq. Taamaammat maani piffinni pilersaarutit ilaatinneqanngillat.

Qeqqata Kommuniata inatsisissatut siunnersuummi nr. 27 nunaminertat asfaltimik qallikkat (mittarfiit, heliportit, aqquserngit il.il.) nunaminertanik atugassanngortitsinerni nunaminertanillu akuersissuteqarnermi qanoq nassuiarneqarnissaata itisilernissaa kissaatigaa.

Nunaminertat asfaltimik qallikkat, ataavartumik sanaartukkatut nunaminertanik atugassanngortitsinermut ilaasutut nalilerneqarput.

Qeqqata Kommuniata inatsisissatut siunnersuummi nunaminertanik atugassanngortitsinerni sumiginnaanikkut utertitsisinnaanermut ilassutitut aalajangersakkat amigaatigai.

Nunaminertanik utertitsinermut atatillugu aalajangersakkat pioreersut atuuttullu sakkortunerpaasutut nalilerneqarput. Inatsisilerinermut isigalugu kommunit ullumikkut nunaminertanik atugassanngortinneqartunik sumiginnarneqartunik passussinissamut pisariaqartitanik tamakkiisunik sakkussaqaarsut naliliutaavoq.

Taamaattoq taakku ulluinnarni qanoq atorneqarsinnaanerisa kommunini nalornissutaanerat nassuerutigineqarpoq. Nunaminertanik aqutsinermut ilitsersuutissami nunaminertanut sumiginnakkanut tunngatillugu aqutsinermi periutsit sukumiisut immaqalu aamma atuisinnaanermik pisinnaatitaaffimmik atorunnaarsitsineq kommunit siunissami aqutsinermut periusissaannut ikiortissatut nassuiarneqassaaq.

Qeqqata Kommunua inatsisissatut siunnersuummi § 20-mut ilassutitut aalajangersagaq kommunip siunissami nunaminertanik atugassanngortitsinermut atatillugu sanaartortitsisunut piunarsinnaanerani pisinnaanngortitsisoq amigaatigaa.

Tamanna annertuumik allannguiffiussasoq naliliutaavoq. Taamaammat siunnersuut ilanngunneqanngilaq. Inatsimmik allannguutissatut siunnersuutaajumaartumut atatillugu tamanna Naalakkersuisut isumaliutigissavaat.

“Kinguneqaataasumik piffiit” atorneqarnerisa isumaliutigeqqinneqarnissaa Qeqqata Kommuniata kissaatigaa, tak. siusinnerusumi pilersaarusiornermut inatsimmik allannguinnissamut missingiut.

Taanna inatsisip siunissami allanngortinneqarumaarneranut tusaatissatut tiguneqarpoq.

Nunalerinermut, Imminut Pilersornermut, Nukissiuutinut Avatangiisinullu Naalakkersuisoqarfik (PAN):

Pinngortitamullu avatangiisunullu inatsit tunuliaqutaralugu piujuartitsisumik suliniutit aallartinneqartut qanoq inatsisissatut siunnersuummik ataqatigiinnerata nassuiarneqarnissaa PAN-ip ujartorpaa. Inatsisissatut siunnersuummi piujuartitsisumik suliniutit pinngortitamut avatangiisunullu inatsimmut uniuisuunnginnissaat pingaaruteqarpoq.

Timitalinnik pilersaarusiorneq imminermi tamakkiisumik isiginnittuullunilu immikkoortunik akimuisuuvoq, siunissamilu kommuninut pilersaarutit suliarineqarnerannut sinaakkutit iluanni aningaasaqarnermi, avatangiisini inuuniarnermilu ikaartarfiliornissaq ilimagineqarpoq. Pinngortitamut avatangiisinullu inatsit inatsisillu allat soorunami malinneqassapput.

Eqiterisumik timitalinnik pilersaarusiornermut nalunaarusiortoqarnissaa nassuiaatini allassimanera PAN-ip maluginiarpa, tamatumalu oqartussanut ataasiakkaanut malitseqaatissatut aningaasatigut allaffissornikkullu kinguneqaatit suunissaannik nassuiaat amigaatigalugu.

Inatsisissatut siunnersuummi immikkoortunut pilersaarusiornermut nalunaarummik suliaqarsinnaanermut naammattumik tunngavissaqarnissap qulakkeernissaa siunertaanera pingaartoq ilu Moorpoq, maannami pilersaarusiortarnermut inatsimmi atuuttumi ilaannakortumik tunngavissaqartoqareerpoq. 2014-mili immikkoortuni arlalinni nuna tamakkerlugu immikkoortunut pilersaarusiortoqarnissaa Naalakkersuisut aalajangerpaat. Taamanikkutaaq aamma aningaasatigut allaffissornikkullu kinguneqaatit oqartussaarfinni ataasiakkaani nammaneqarnissaat ilanngullugu aalajangerneqarpoq.

Illoqarfiit nunaqarfiillu iluanni kommunalbestyrelsit aatsitassarsiornermik suliniutit ilaannut nunaminertani atugassanngortitsisarnerat, akisussaaffimmillu tassannga qulaajaasoqarlunilu ersarissaasoqartariaqartoq PAN-ip oqaatigaa.

Immikkoortunut inatsisit arlallit pigineqarput, tassani nunaminertanik atugassanngortitsinerit kommunit nunaminertanut oqartussatut immikkoortunullu oqartussat ataasiakkaat peqatigiinneranni tunniunneqartarput. Tamanna assersuutigalugu mittarfinnut, umiarsualivinnut il.il. atuuppoq. Nunaminertanik aqutsinermut ilitsersuummik suliaqarnermut atatillugu, ingerlatsinermi akuersissuteqartarnermilu periutsit immikkut ittut ataasiakkaat aamma nassuiarneqassapput – aamma inoqarfiit iluini aatsitassarsiornernik ingerlatsineranut atatillugu nunaminertanik atugassanngortitsineq pillugu.

Inatsisissatut siunnersuummi illoqarfiup nunaannaallu killingat nassuiarneqartariaqartoq PAN-ip oqaatigaa, tassanngami ersarissaaneq akisussaaffiup agguarneqarneranik kiisalu pinngortitamik illersuineramik inatsisip atuuffiata annertussusaanik qulaajaaqataassaaq.

Sumiiffiit inoqarfiit avataaniittut tassaapput nunaannaat. Tamatuma saniatigut illoqarfiup nunaannaallu killilernera tunngaviusumik paasissutissanut programip Kalaallit Nunaata allaffissornikkut agguarneqarneranut nalunaarsuiiffiani (GAGI) piffimmi killeqarfittut erseqqissarneqarpoq. Tamanna kommunimi pilersaarusiortarnermut ilitsersuusiassami erseqqinnerusumik itisiliivigineqassaaq.

§ 5, imm. 3-mut tunngatillugu nunaminertanik atuinermut killilerneqartunik tamanik tikkuasannaanerup pisinnaannginnera PAN-ip oqaatigaa. Pinngortitami illersukat piffimmini illersugaapput, nunaminertallu killilikkat nunaminertanik atuinerni tamani ilaatinneqarsinnaanngillat.

Pisortat ingerlatsinerannik 2010-mi aaqqissuusseqqinnerni kommunit kommunip nunataanut tamarmut oqartussaasunngorput. Kommuni nunaminertanik atugassanngortitsissaguni nuna

tamakkerlugu immikkoortunut oqartussat nunaminertanik atuinermik killilersuutitut paasissutissanik NunaGIS-imi pilersaarusiornermik isaavimmi paasissutissanik atugassanngortitsisinnaanerat pingaaruteqarpoq.

Paasissutissanik sapinngisamik patajaannerpaanik saqqummiinissaq oqartussaasut isumagisassaraat. Paasissutissatut toqqammaviit taakku arlalitsigut nalimmassarneqarsinnaapput; assersuutigalugu piffimmut aalajangersimasoq kaajallallugu killeqarfiliinikkut. Qaqugukkut pinngortitami aalajangersimasuni paasissutissanik toqqammaviit naammannersut oqartussaasut naliligassaraat.

Ilanngussaq 3: Nunami sumiiffinnut siunnersuutinut assersuutit

